

DS
735
A2586
1771a
V. 23

University of Toronto

Library

c 400/h

ASIAN COLLECTION

御批歷代通鑑輯覽卷之四十五

南北朝

癸梁承聖二年魏主欽春正月魏宇文泰自加都督中外

諸軍事

三月梁武陵王紀伐江陵魏遣大將軍尉遲迴

尉遲魏之別部後以

爲氏迴字薄居羅代人

伐成都以救之

武陵王紀帥諸軍東下留蕭撫守成都梁主甚懼與魏

書曰子糾親也請君討之

左傳語

宇文泰曰取蜀制梁在

茲一舉諸將咸難之大將軍尉遲迴泰之甥也獨以爲
可克泰問以方畧迴曰蜀與中國隔絕百有餘年恃其
險遠不虞我至若以鐵騎兼行襲之無不克矣泰乃遣

迴自散關

注見前

伐蜀至涪水。潼州刺史楊乾運以州降。

迴分兵守之。進襲成都。蕭撫嬰城自守。迴圍之。紀聞有

魏兵。遣梁州刺史譙淹還救蜀。迴擊破之。初。紀世子圓

照鎮巴東。啟紀云。侯景未平。荆鎮已為所破。宜急進討。

紀信之。趣兵東下。及至巴東。知景已平。乃悔。召圓照責

之。對曰。侯景雖平。江陵未服。紀亦以既稱尊號。不可復

為人下。欲遂東進。將卒日夜思歸。皆以為宜救根本。更

思後圖。圓照及劉孝勝固言不可。紀從之。遂至西陵。護

軍陸法和拒之于峽口。

先是。法和既擒。任約還請梁主。

以待之。乃引兵屯峽口。及是。紀至。軍勢甚盛。法和築二

城于峽口兩岸。運石填江。鐵鎖斷之。梁主拔侯景故將

任約。謝答仁。于獄配兵使助法和。

夏六月。梁復以王琳爲湘州刺史。陸納降。

先是王僧辯及蕭循進攻陸納。拔其二城。納衆大敗。走保長沙。僧辯進圍之。至是。梁主遣使送王琳。令說諭納。僧辯使送示之。納衆悉拜且泣。使謂僧辯曰。朝廷若赦王郎。乞聽入城。梁主從之。納遂降。梁主復琳官爵。使將長沙兵。西援峽口。

秋七月。梁武陵王紀衆潰。梁主殺之。及其諸子。

武陵王紀遣將軍侯獻與陸法和相拒。梁主遣使與紀

書。許其還蜀。專制一方。紀不從。

梁主復與紀書曰。吾年

之功。膺此樂推。事歸當璧。倘遣使乎。良所希也。如日不
然。于此投筆。兄肥弟瘦。無復相見之期。讓棗推梨。永罷
懽愉之日。心乎。紀頓兵日久。頻戰不利。又聞魏寇深入。
愛矣。書不盡言。

釋果有推梨讓棗之心。其
畫像釘體及密敕樊猛又
何爲哉。內實猜忌外託文
言以自解其執信之

成都孤危憂懣不知所爲。乃遣樂奉業詣江陵求和。奉業啓梁主曰。蜀軍乏糧。士卒多死。危亡可待。梁主遂不許。其和巴東民斬峽口城主。降于王琳。謝答仁任約進攻侯叡。破之。于是兩岸十四城俱降。紀不獲退。順流東下。將軍樊猛字智武。南陽人。追擊之。紀衆大潰。赴水死者八千餘人。猛圍而守之。梁主密敕猛曰。生還不成功也。猛遂斬紀。及其幼子圓滿。陸法和收圓照兄弟三人。送江陵。梁主絕紀屬籍。日饗餐氏。下圓照等于獄。絕其食。至嚙臂啖之。十二日而死。遠近聞而悲之。

八月。成都降魏。魏以尉遲迴爲益州刺史。

魏尉遲迴圍成都五旬。蕭撫屢戰皆敗。乃請降。諸將欲

湘東雖還據建康亦未能保其不敗第就彼時形勢而論建康尚有險要可憑江陵則偏隅受敵強弱判然乃宗懷等皆安土重遷釋復優柔寡斷既下而疑仍不決下策卒如魏人所料坐待滅亡庸劣無斷之人自取禍敗率如此

不許迴曰降之則將士全遠人悅攻之則將士傷遠人

懼遂受之吏民皆復其業唯收奴婢及儲積以賞將士

軍無私焉魏以迴為益州刺史已而魏命迴自劍閣以

明賞罰布威恩緩輯安民經畧未附華夷懷之

九月梁遣王僧辯還建康陳霸先還京口

梁主下詔將還建康將軍宗懷字元懷黃羅漢皆楚人

不願移謂僧祐亦以為不可梁主令朝臣議之會者五

百人梁主曰勸吾去者左袒左袒者過半朱買臣言于

梁主曰建康舊都山陵所在荆鎮邊疆非王者之宅願

陛下勿疑以致後悔臣家在荊州豈不願陛下居此但

恐是臣富貴非陛下富貴耳梁主使術士杜景豪卜之不吉對曰未吉退而言曰

此兆為鬼賊所留也。梁主以建康凋殘江陵全盛意亦安之卒從

僧祐等議乃詔王僧辯還鎮建康陳霸先復還京口

梁以陸法和為郢州刺史

法和為政不用刑獄專以沙門法及西域幻術教化部

曲數千人已而法和上表自稱司徒梁主怪之僕射王

之。王褒字子深。儉之曾孫。

齊納蕭退鄱陽王恢之子。于梁不克

齊主使鄧元建治水軍于合肥將襲建康納梁湘潭侯

退梁主使南豫州刺史侯瑱與戰于東關注見前。敗之齊

師退是冬齊宿預民東方自額以城降梁梁江西州郡皆起兵應之。

冬十一月突厥攻柔然齊主擊之遷柔然于馬邑川注見前。

突厥請降。

先是突厥伊利可汗死。弟木杆侯斤立。

木杆剛勇。多智。數善用兵。鄰國

畏之。至是木杆攻柔然。柔然舉國奔齊。齊主擊突厥。迎納

柔然。廢其可汗庫提立阿那瓌子菴羅辰為可汗。置之

馬邑川。給其廩餼繒帛。親追突厥。突厥請降。許之而還。

自是貢獻相繼。

甲梁承聖三年。魏恭帝。戊鄭元年。齊天保五年。春正月。齊主擊山胡。敗之。

齊主討山胡。大破之。男子十三以上皆斬。女子及幼弱

皆賞軍。遂平石樓。

山名。在山西汾州府石樓縣東南。水經注。蒲川水出石樓山。即此。石

樓絕險。自魏世所不能至。于是遠近山胡莫不懾服。都

督戰傷其什長不能救。齊主命剗其五藏。令九人食之。肉及穢惡皆盡。自是始為威虐。

魏作九命九秩之典

宇文泰始作九命之典。以敘內外官爵。改流外品為九

秩。內命三公九命。三孤八命。六卿七命。上大夫六命。中大夫五命。下大夫四命。上士三命。中士再命。下士一

命。外命諸公九命。諸侯八命。諸伯七命。諸子六命。諸男五命。公之孤卿四命。侯之孤卿。公之大夫三命。子男之

孤卿。侯伯之大夫。公之上士。再命。公之中士。侯伯之上士。一命。公之下士。侯伯之中士。下士。子男之士。不命。其

祿。下士一百二十五石。中士以上。至于上大夫。各倍之。卜大夫是為四千石。卿二分。孤三分。公四分。各益其一。

公為一萬石。其九秩一百二十石。八秩至于七秩。每二秩。六分而下。各去其一。二秩俱為四十石。凡頒祿。視年

之上。下。上年頒全。中年頒半。下年頒一。無年不頒。具見隋書百官志。

魏宇文泰廢其主欽而立齊王廓。文帝第四子。復姓拓跋

氏。

先是。魏尚書元烈謀殺宇文泰。事覺。泰殺之。魏主有怨

高歡尚自知逐君之醜。宇文泰乃再行篡弒而改號。復姓恬不為怪。史家徒以其建官命秩。剿竊周禮。稱為崇儒好古。無識甚矣。

言密謀誅泰。泰諸子皆幼。以諸壻爲心膂。清河公李基

字仲和。

義城公李暉

。弼之子。

常山公于翼

字文若。翼之子。

分掌禁

兵。至是魏主謀泄。泰廢魏主。置之雍州。立其弟齊王廓。去年號稱元年。復姓拓跋氏。魏初統國三十六。大姓九十九。後多滅絕。泰乃以諸將功高者爲三十六國。次者爲九十九姓。所將士卒亦改從其姓。

魏遣使如梁。

魏侍中宇文仁恕聘于梁。會齊使者亦至。梁主接仁恕。不及齊使。仁恕歸。以告宇文泰。梁主又請據舊圖定疆境。辭頗不遜。泰由是有圖江陵之志。梁王詵聞之。益重其貢獻。魏荊州刺史長孫儉

。高五世孫。

屢陳攻取之策。泰徵

儉入朝。問以經畧。復命還鎮。密爲之備。馬伯符本梁將降于魏

密使告梁主。梁主弗之信。

齊主殺其尚書左丞盧斐。

字子章。同之子。李庶。諧之子。

齊中書令魏收。

字伯起。子建之子。

撰魏書。頗用愛憎爲褒貶。每

謂人曰。何物小子。敢與魏收作色。舉之則使升天。按之

則使入地。旣成。中書舍人盧潛。左丞盧斐。李庶。皆言其

誣罔不直。收啟齊主云。臣旣結怨彊宗。將爲刺客所殺。

齊主怒。于是斐。庶。皆坐謗史。鞭二百。配甲坊。潛亦坐繫

獄。斐。庶。死獄中。然時人終不服。謂之穢史。

夏四月。魏宇文泰弒其故主欽。

五月。梁以王琳爲廣州刺史。

魏稱不有人禍。必有天刑。謂作史而自附古之遺意。若猶恐不免。况收自以任情舉按。曲筆肆穢。其遭懲。象葉骨不亦宜乎。然收猶有人心。者能自言之。其似收之爲。而不肯自言者。視收又甚矣。

廣州刺史蕭勃自以非梁主所授。內不自安。啓求入朝。

梁主徙勃爲晉州。

梁于同安郡置豫州。後改曰晉州。同安故城在今安慶府桐城縣。刺

史以琳部衆彊盛。又得衆心。故使代勃以遠之。琳私謂主書廣

漢李膺曰。琳。小人也。蒙官拔擢至此。今天下未定。遷琳嶺南。如有不虞。安得琳力。竊揆官意。不過疑琳。琳分望有限。豈與官爭爲帝乎。何不以琳爲雍州刺史。鎮武寧。琳自放兵作田。爲國禦捍。膺然其言。而弗敢啓。

六月。齊冀州刺史段韶伐梁。拔宿預。

先是。梁侵齊。陳霸先圍廣陵。嚴超達圍涇州。梁置今泗州。天長縣。

是。侯瑱、張彪俱出石梁。晉戍。後周置縣。隋省。故城在今天長縣。杜僧明將

兵助東方白額。至是。齊冀州刺史段韶討白額。留兵圍

之。而自引兵倍道趣涇州。擊破超達。迴趣廣陵。霸先解

圍走。僧明、瑱、彪等皆還。韶至宿預。使人說白額。白額出

迎執而斬之。

秋九月梁主講老子于龍光殿。

冬十月魏遣柱國于謹帥師伐梁十一月入江陵十二月

執梁主繹殺之。

魏遣柱國于謹中山公宇文護字薩保泰兄子大將軍楊忠將

兵五萬伐梁。長孫儉問謹曰為繹計將何如。謹曰耀兵

軍中策也。難于移動。據守羅郭。下策也。儉曰。繹出何策。謹曰。下策。儉曰。何故。謹曰。繹懦而無謀。多疑少斷。愚民

難于慮始。皆戀邑居。所以知其用下策也。武寧太守宗均告魏兵且至。領軍

胡僧祐黃羅漢曰。二國無隙。必應不爾。乃復遣侍中王

琛使魏。去年琛先使魏。于謹至樊鄧。梁王督帥眾會之。梁主乃

停講戒嚴。琛至石枕。杜佑曰。在沔州沔口上。沔州。今安陸府沔陽州是。馳報羅

魏師悉銳窺梁如入無入之境守臣告警胡黃輩尚付之漠然且逆止法和赴援之旅不知蕭繹君臣何所恃以無恐而王琛石枕

報書方以為無恣所謂目
作孽不可道

臨敵聽講巡城和詩甚至
坐困金城猶以焚書折劍
自嗟文武道盡其驥抑可
恣

漢曰境上帖然前言皆見戲耳梁主乃復請百官戎服

以聽徵王僧辯為大都督命陳霸先徙鎮揚州僧辯遣

侯瑱帥程靈洗

字元滌新安海寧人

為前軍杜僧明帥吳明徹字通

昭秦

為後軍

陸法和開魏師至將赴江陵梁主使逆止

部人

之曰此自能破賊法和還州亞其城門著

終日乃脫之十一月魏軍濟漢于謹令宇文護楊忠帥

精騎先據江津斷東路梁主出城行柵插木為之周六

十里以將軍胡僧祐僕射王褒分督城東西軍事魏軍

至柵下梁主乃徵王琳為湘州刺史使引兵入援于謹

令築長圍中外遂絕梁主巡城猶口占為詩羣臣亦有

和者梁主又裂帛為書趣王僧辯曰吾忍死待公可以

至矣胡僧祐等出戰皆敗朱買臣按劍進曰惟斬

宗慄黃羅漢可以謝天下梁主曰曩實吾意宗黃何罪

王琳軍至長沙長史裴政請聞道先報江陵至百里洲

爲魏人所獲。梁王詵謂政曰：我武皇帝之孫也，不可爲爾君乎？若從我計，貴及子孫，不然，腰領分矣。政詭曰：惟命。詵鎖之。至城下，使言曰：僧辯已自爲帝，王琳不復能來。政乃言曰：援兵大至，各思自勉。詵怒，命殺之。參軍蔡大業諫曰：此民望也，殺之，則荊州不可下矣。乃釋之。裴政，遼之孫，蔡大業、大寶之弟。魏人百道

攻城。胡僧祐親當矢石，晝夜督戰，獎勵將士，明行賞罰。衆咸致死，所向摧殄。魏不得前，俄而僧祐中流矢死。內外大駭。魏悉衆攻柵。反者開西門，納魏師。梁主退保金城也。諸將皆散。梁主乃焚古今圖書十四萬卷，以寶劍擊柱折之，歎曰：文武之道，今夜盡矣。命御史中丞王

孝祀作降文。

謝答仁諫曰：城中兵衆猶強，乘間突圍而

素不便走馬。曰：事必無成，祇增辱耳。答仁求自扶梁主。主褒曰：答仁，侯景之黨，豈可信？答仁又請守子城，收兵。梁主然之。褒以爲不可，答仁歐血而死。子謹徵人子爲質。梁主從王褒送之，謹子以褒善書，給之紙筆。褒乃書

德毅策似可聽然揆之理

口。柱國常山公家奴王褒。梁主遂白馬素衣出門。詔使鐵騎擁之入

營。囚于烏幔之下。十二月。魏人殺梁主及太子元良等。

于謹收府庫珍寶及宋渾天儀。梁銅晷表及諸法物。盡

俘王公以下。及選百姓男女數萬口為奴婢。分賞三軍。

小弱者皆殺之。

梁主性殘忍。魏師圍城。獄中死囚且數千人。有司請釋之。以充戰士。梁主不許。

悉令梟殺之。事未成而城陷。性好書。晝夜不釋。嘗曰。我韜于文士。愧于武夫。及城陷焚書。或問何意。梁主曰。讀書萬卷。猶有今日。故焚之。被害後。詔以布帛纏尸。葬于津陽門外。

魏取襄陽。徙梁王詵。使稱帝于江陵。屯兵守之。

魏立詵為皇帝。取雍州之地。而資以荊州。延袤三百里。

又置防主。將兵居西城。名曰助防。實以制詵也。初。魏師未還。詵

將尹德毅說詵曰。江東之人塗炭至此。咸謂殿下為之。人盡讎也。誰與為國。今魏之精銳盡萃于此。若殿下為

勢斷不能行。蓋于謹楊忠
皆魏宿將。豈肯無備受愚
就縛以冀陽一隅之人。又
豈能盡戮魏軍使警果用
其言。亦不過自速禍敗耳。

設享會。預伏武士。因而斃之。分命諸將。掩其營壘。大殲
羣醜。俾無遺類。取江陵百姓。撫而安之。文武羣僚。隨材
銓授。魏人懾息。未敢送死。王僧辯之徒。折簡可致。然後
朝服濟江。入踐皇極。晷刻之間。大功可立。古人云。天與
不取。反受其咎。願殿下恢弘遠畧。勿懷匹夫之行。答曰。
卿此策。非不善也。然魏人待我厚。若遽為此。人將不食
吾餘。至是。闔城繫虜。又失襄陽。乃恨不用德毅之言。
尹德毅。天水人。正之子。

梁王僧辯陳霸先奉晉安王方智

元帝少子。承制。

乙未。梁敬帝方智紹泰元年。魏恭帝二年。齊天保六年。後梁中宗宣帝蕭詧天定元年。凡四國。春正月。梁
王詧始稱帝。

梁王詧即位。改元于江陵。賞刑制度。並同王者。唯上疏
于魏。則稱臣。奉其正朔。以蔡大寶為侍中尚書令。王操
字子高。太原晉陽人。為五兵尚書。大寶嚴整有智謀。雅達政事。文
辭贍速。操亦亞之。

梁廣州刺史王琳救江陵弗及。次于長沙。遣兵伐後梁。

琳將兵北下。至蒸城。

後漢臨蒸縣故城也。隋省入衡陽。衡陽今湖南衡州府治。聞江

陵已陷。為世祖發哀。三軍縞素。道別將侯平帥舟師攻

後梁。琳屯兵長沙。傳檄州郡。為進取之計。長沙王韶

字德

茂懿之子。及上游諸將皆推琳為盟主。

齊遣梁貞陽侯淵明還梁稱帝。以兵納之。

二月梁王方智立。

是為敬帝。

晉安王方智自尋陽入建康。即梁王位。

時年十三。

以王僧辯

為中書監錄尚書事。驃騎大將軍都督中外軍事。加陳

霸先征西大將軍。

僧辯居石頭。霸先在京口。僧辯推心待之。子顗屢諫不聽。

夏五月。梁王僧辯奉淵明歸建康。以梁王方智為太子。

先是齊主遣殿中尚書邢子才詣建康與僧辯書令迎

淵明

書曰。嗣主冲藐。未堪負荷。彼貞陽侯。梁武猶子。長沙之嗣。以年以望。堪保金陵。故置為梁王。卿宜迎

接

僧辯不從。已而淵明至東關。

注見前。

散騎常侍裴之橫

字如岳。禦之。敗死。僧辯大懼。乃出屯姑孰。遣使奏啟于

之高弟。淵明定君臣之禮。因求以梁王為太子。淵明許之。自采

石濟江。齊師還。淵明入建康。望朱雀門而哭。道逆者以

哭對。入即位。以方智為太子。王僧辯為大司馬。陳霸先

為侍中。

六月。齊人歸郢州于梁。

魏師之圍江陵也。齊主遣清河王岳救之。至義陽。江陵

已陷。岳因進軍臨江。梁郢州刺史陸法和以州降。

長史王琨

不從。齊主遣儀同三司慕容儼。字侍德清。都成安人。戍之。儼始入州。王僧辯遣侯瑱攻之。奄至城下。儼隨方備禦。瑱等攻之不克。城中食盡。煮草木根葉及靴皮帶角食之。堅守半歲。人無異志。至是。淵明立命瑱還豫章。齊人以地遠難守。割以予梁。凡梁民亦還之。

秋八月。齊以道士爲沙門。

齊主以佛道二教不同。欲去其一。集二家學者。論難于前。遂敕道士皆剃髮爲沙門。有不從者殺四人。乃奉命。九月。梁陳霸先殺王僧辯。廢淵明。冬。十月。復立方智。稱藩于齊。

王僧辯之納淵明也。陳霸先遣使爭之。不從。霸先歎曰。

僧辯罪自當誅。然在霸先

窺覷神器已久。襲殺之舉。非以爲梁特欲去害己者而已。

武帝子孫甚多。唯孝元

是年四月追諡廟號世祖

能復讐雪耻。其子

何罪而忽廢之。吾與王公並處託孤之地。而王公一旦

改圖。外依戎狄。援立非次。其志欲何爲乎。乃密謀襲建

康。會有告齊師至者。僧辯遣人告霸先使爲備。霸先部

分將士。使徐度。侯安都等。水陸俱進。人皆以爲將禦齊

師。不之怪也。至石頭。安都先帥衆踰北城而入。霸先軍

入自南門。僧辯方視事。外白有兵。俄而兵自內出。僧辯

與子顧帥左右苦戰。敗走就執。霸先曰。我有何辜。公欲

與齊賜討。而乃無備如此。僧辯曰。委公北門。何謂無備。

霸先殺之。旣而竟無齊兵。淵明遜位就邸。十月。方智卽

皇帝位。告齊以僧辯陰圖篡逆。仍請稱藩于齊。封淵明

爲建安公。

梁陳霸先自爲尚書令都督中外諸軍事。

梁吳興太守杜龕叛。梁遣陳禧霸先兄道譚子。卽陳文帝。討之。

杜龕素恃王僧辯之勢。不禮于陳霸先。龕。僧辯之壻。霸先深

怨之。及僧辯死。龕據吳興以拒霸先。義興太守韋載字德

基。獻之孫。以郡應之。僧辯弟僧智爲吳郡太守。亦據城拒守。

先是。霸先將圖僧辯。密遣兄子倩還長城。晉縣。五代吳越改長興。今

屬湖州府。立柵以備龕。及是。倩至長城。收兵纔數百人。龕遣

其將杜泰攻之。數旬不克而退。霸先使周文育攻義興。

不利。自表東討。至義興。拔其水柵。以書諭韋載。載降。霸

先還建康。使周文育討杜龕。裴忌字無畏。聞喜人。攻吳郡。忌輕

行。夜至城下。鼓譟薄之。僧智奔吳興。忌入據郡。明年。蒨

克吳興。獲龕。殺之。

龕勇而無謀。嗜酒常醉。其將杜泰陰與蒨等通。說龕使降。龕然之。其妻王氏曰。讐隙如此。豈復可和。因出私財賞募。復擊蒨等。破之。既而泰出降。龕尚醉未覺。遂見殺。王氏截髮出家。僧

智及弟僧情。奔齊。

梁譙

今濠州。

秦

今六合縣。

刺史徐嗣徽。南豫州刺史任約。襲建康。

不克。入于石頭。以叛。齊遣兵援之。敗還。嗣徽約奔齊。

徐嗣徽從弟嗣先。王僧辯之甥也。僧辯死亡。就嗣徽。嗣

徽以州入于齊。會陳霸先東。義興。嗣徽密結任約。將

兵乘虛襲建康。據石頭。游騎至闕下。時侯安都。杜陵。

字雄

盛錢塘人。

居守。安都閉門示弱。下令城中。登陴窺賊者斬。及

夕。嗣徽等還。安都夜為戰備。將旦。嗣徽等又至。安都出

戰大破之。嗣徽等奔還石頭。霸先卷甲還自義興。引韋載與共謀議。十一月。齊遣兵渡江。據姑孰。以應嗣徽。又

遣兵渡糧馬入石頭城。霸先用韋載計。

霸先問計于載。載曰。齊若分兵

先據三吳之路。畧地東境。則時事去矣。今可急于淮南築城。以通東道轉輸。分兵絕彼糧路。使進無所資。則齊將之首旬日可致。霸先從之。淮南秦淮之南也。秦淮源出溧水縣西北流。貫江寧府城。又西北入大江。秦時所鑿。使侯安都夜燒齊船千餘艘。周鐵虎斷齊運輸。仍故名。

遣載于大航築壘。使杜稜守之。齊人亦立柵與相拒。使

都督蕭軌

北齊書蕭軌事。行史闕其傳。

將兵屯江北。十二月。霸先帥

諸軍攻嗣徽柵。齊將柳達摩等渡淮置陳。霸先疾戰。燒

柵。齊兵大敗。溺死者以千數。嗣徽與任約引齊兵頓浦

口。

此秦淮之口。非江北浦口也。

霸先遣侯安都襲破之。嗣徽等單舸

脫走。霸先攻石頭。城中無水。達摩請和。且求質子。時建

康虛弱。糧運不繼。乃與齊和。以霸先從子曇朗及永嘉

王莊

方等之子

等爲質。而與齊盟。嗣徽約皆奔齊。

齊失亡馬仗船米。不

可勝計。齊主乃誅柳達摩。

齊主殺其清河王岳。

初。齊平秦王高歸彥

字仁英。高祖族弟。

幼孤。高祖令清河王岳

養之。情禮甚薄。歸彥心銜之。岳屢將兵立功。有威名。而

性豪侈。好酒色。起第城南。歸彥譖之。言其僭擬。齊主惡

之。齊主納倡婦薛氏有寵。既而知其嘗與岳通。益怒。使

歸彥鳩岳殺之。

久之。齊主無故斬薛氏。藏首于懷。出東山宴飲。勸酬始合。忽出其首。投于梓上。

一座大驚。復命收取。對之流涕。載尸以出。被髮步哭而隨之。

魏降其宗室王者為公。

突厥滅柔然。可汗鄧叔子奔魏。突厥取而殺之。

突厥木杆可汗擊柔然滅之。柔然主鄧叔子收其餘燼

奔魏。時木杆西破嚙噠。

注見前。

東走契丹。北并契骨。

明三省注。

即唐之結骨。唐書黠戛斯。古堅昆國。或曰結骨。

威服塞外。其地東自遼海。西至

西海。

即青海。

長萬里。南自漠北五六千里。皆屬焉。木杆恃

其彊。請盡誅鄧叔子等于魏。宇文泰收叔子以下三千

餘人。付其使者。盡殺之于青門外。

長安東南霸城門。民見門色青。因曰青門。

即漢召平種瓜處。

丙梁太平元年。魏恭帝三年。齊天保七年。

綱目以後梁子為北朝附庸。歲首不書年號。唯嗣位改元。乃書。今依之。

春正月。魏初建六官。以宇文泰為大冢宰。

初。宇文泰以漢魏官繁。令蘇綽及尚書令盧辯。字景先。同兄子。

依周禮定六官。至是行之。以泰為太師。大冢宰。李弼為

太傅。大司徒。趙貴為太保。大宗伯。獨孤信為大司馬。于

謹為大司寇。侯莫陳崇為大司空。自餘百官。皆倣周禮。

梁遣兵擊侯瑱于湓城。

江州刺史侯瑱。本事王僧辯。擁兵據豫章及江州。不附

陳霸先。霸先使周文育將兵擊湓城。又遣侯安都。周鐵

虎。立柵于梁山以備之。已而瑱為王琳將侯平所敗。霸

先使記室蔡景歷說瑱令將瑱

乃詣瑒歸罪。霸先以為司空。

三月。齊儀同三司蕭軌侵梁。次于蕪湖。

齊遣蕭軌等與任約。徐嗣徽。合兵十萬侵梁。出柵口。柵

江

之口。注見前。向梁山。即天門山。注亦見前。陳霸先帳內盪主。主勇士以突盪敵人。

者黃叢逆擊破之。齊師退保蕪湖。

夏五月梁建安公淵明卒。六月陳霸先及齊師戰。敗之。殺

蕭軌及徐嗣徽。

齊人召建安公淵明。詐許退師。陳霸先具舟送之。會其

病卒。齊兵遂至秣陵。陳霸先令周文育與徐度杜稜禦

之。齊人跨淮立橋柵度兵。自方山。注見前。進及兒塘。在上元縣。

東建康震駭。霸先拒嗣徽等于白城。即白下城。注見前。適與文

育會。將戰。風急。霸先曰。兵不逆風。文育曰。事急矣。何用

古法。抽槊上馬先進。眾軍從之。風亦尋轉。安都帥十二

騎突嗣徽陳破之。六月齊兵至幕府山。在江寧府西北。輿地紀勝。晉元

帝渡江王導建幕府其上因名霸先遣別將擊其糧運盡獲之齊兵殺

馬驢以食轉至元武湖注見前西北連日大雨平地水丈

餘晝夜坐立泥中懸隔以爨而臺中及潮溝在上元縣西吳時鑿

引潮以抵秦淮故名北路燥梁軍每得番易然四方糧運不至士

卒皆饑疲會陳舊饋米三千斛鴨千頭霸先命炊米煮

鴨裹以荷葉未明尋食出幕府山與吳明徹等首尾齊

舉縱兵大戰侯安都自白下引兵橫出其後齊師大潰

死者不可勝計擒徐嗣徽斬以徇追奔至于臨沂晉僑置屬

南琅邪郡故城在今句容縣北諸軍相次克捷虜蕭軌等斬之齊軍士

縛荻筏以濟溺死甚衆唯任約王僧愔得免梁軍士以賞俘買酒

一人裁得一醉齊人聞蕭軌等被殺亦殺陳曇朗

梁王琳遣使奉表于魏于齊

侯平頗破後梁軍以王琳兵威不振不受出麾琳遣將討之平收其眾奔江州侯瑱與結為兄弟琳軍勢益衰遣使奉表于齊江陵之陷琳妻子沒于魏琳又獻款于魏以求之亦稱臣于梁

齊大治宮室

齊發丁匠三十餘萬修廣三臺宮殿齊主之初立也留心政術內外肅然

洋之往諄所不必言至楊
憤能匡正而轉以死囚
供御為鬧旋之計史臣亦
從而美之至昏於上政濟
於下是誠言

軍國機策獨決懷抱每臨行陣親當矢石所向有功數
年之後漸以功業自許遂嗜酒淫佚肆行狂暴袒露形
體街坐巷宿高氏婦女不問親疎往往亂之或以賜左
右不從者手刃之作大鑊長鋸到確之屬陳之于庭每
醉輒手殺人以為戲樂楊湑乃簡死囚置仗內謂之供
御囚齊主欲殺之輒執以應命三月不殺則宥之開府
參軍裴謂之上書極諫齊主謂楊湑曰此愚人何敢如
是對曰彼欲陛下殺之以成名于後世齊主曰我且不

殺爾焉得名。一日泣謂羣臣曰。黑獺不受我命。奈何。都召劉桃枝曰。臣得三千騎。請擒之以來。齊主壯之。賜帛千匹。趙道德進曰。桃枝妄言應誅。陛下奈何。濫賞齊主。卽回絹賜之。典御承李集面諫。比之桀紂。齊主令縛置流中。久之引出。謂曰。吾何如桀紂。集曰。彌不及矣。又令沉之。引出更問。如此數四。集對如初。齊主大笑曰。天下有如此癡人。方知龍逢比干。未是俊物。遂釋之。頃之入見。似有所諫。竟斬之。由此內外懔懔。各懷怨毒。而能委政。楊愔總攝機衡。百度修敕。是以主昏于上。政清于下。

秋七月。梁陳霸先自爲司徒。揚州刺史。進爵長城公。

九月。梁陳霸先自爲丞相。錄尚書事。

魏及突厥襲吐谷渾。敗之。

突厥木杆可汗。假道于涼州。以襲吐谷渾。魏宇文泰使

涼州刺史史寧。

字承和。建康袁氏人。

帥騎隨之。吐谷渾奔南山。木

杆將追之。寧曰。樹敦。

吐谷渾所都。城在今西寧府邊外。曼頭山北。賀真與樹敦相。

近二城吐谷渾之巢穴也拔其本根餘衆自敗木杆從

之與寧分道破二城復與會于青海注見前歎寧勇決贈

遺甚厚明年吐谷渾寇涼鄯河三州秦州都督遣渭州刺史于翼赴援翼曰攻取非夷俗所長寇來不

過抄掠耳掠無所獲勢將白走數日問至果如其言

冬十月魏太師大冢宰安定公宇文泰卒書法與高歡同例說見前世

子覺泰第三子後代嗣魏爲周愍帝

泰北巡度河還至牽屯山即雞頭山注見前而病驛召中山公

護至涇州謂曰吾諸子皆幼外寇方彊天下之事屬之

于汝宜努力以成吾志遂卒泰能駕馭英豪得其力用性好質素不尚虛飾明達

政事崇儒好古凡所施設皆倣三代而爲之及卒諡曰文公世子覺嗣位時年十五爲太

師柱國大冢宰安定公出鎮同州護名位素卑及是輔政羣公莫服護問計

秦東國專政魏主位若贅
旒幸天奪其年正可因之
以正于謹身為大臣不聞
一語匡維魏室顧總總焉
為護定策決謀不踰年而
宇文氏遂得肆其篡逆養
國賊而釀禍胎謹之罪奚
異賣國哉

于大司寇于謹。謹曰。今日之事。謹必以死爭之。若對衆
定策。公必不得讓矣。明日會議。謹曰。昔帝室傾危。非安
定公。無復今日。一旦違世。嗣子雖幼。中山公親其兄子。
兼受顧託。軍國之事。理須歸之。辭色抗厲。衆皆悚動。謹
素與泰等夷。護常拜之。至是。謹起再拜。羣公亦拜。于是
衆議始定。同州。西魏置。今為府。屬陝西。胡三省曰。字
文泰。輔政常居此。以其地扼
關河。齊人後軼。所必由也。

齊併省州縣

齊主詔以魏末豪傑糾合鄉部。因緣請託。各立州郡。公
私煩費。丁口減于疇日。守令倍于昔時。于是併省三州。
一百五十三郡。五百八十九縣。三鎮。三十六戍。

十二月。魏宇文覺自為周公。

齊築長城。

先是。齊自黃櫨嶺。

在今汾州府永寧州西北。起長城。北至社平戍。今在

朔平府左雲縣廢武州境。四百餘里。置三十六戍。事在天保三年。已而發民

一百八十萬。自幽州夏口。胡三省注。夏當作下。即居庸下口也。居庸。注見前。西

至恒州。注見前。築長城九百餘里。在天保六年。至是復自西河

總秦戍。在今大同府西北。與陝西延安府界。築長城東至于海。前後所築。

東西凡三千餘里。率十里一戍。其要害置州鎮。凡二十

五所。明年又于長城內。築重城四百餘里。

丁梁太平二年。魏恭帝四年。齊天保八年。陳高祖武帝陳

丑霸先永定元年。周孝愍帝宇文覺元年。九月以後。世宗

明帝毓元年。是歲梁魏皆亡。陳周代。春正月。周宇文覺稱

并齊三大國。後梁一小國。凡四國。天王。是為愍帝。廢魏主為宋公。宇文護自為大司馬。魏自太祖

元。至孝武帝入關。凡十三主。一百五十年。而分為東西魏。道武帝建

西魏自孝武後。至恭帝亡。又三主。合二十二年。東魏孝靜

帝一主。在位

十七年。先亡。

印七卷。自監寧覽

卷一百一十五 南北朝

七

魏宇文護以周公覺幼弱欲早使正位以定人心以魏

主詔奉冊璽禪位于周遷魏主出居大司馬府覺即天

王位

追尊文公為文王。妣為文后。封魏帝為宋公。以木德承魏水。行夏之時。服色尚黑。以李弼為太師。趙

貴為太傅。

大冢宰。獨孤信為太保。大宗伯。中山公護為大司馬。

周主

字文自稱天王。綱目以春秋天王乃天子之稱不得以此字之。僅書王則又非實。故仍書周主。汪克寬以

主當作王。非是。

祀圜丘定郊廟之制。

周主祀圜丘曰謂先世出于神農。

宇文氏自謂炎帝為黃帝所滅。子孫遷居

朔野。其後有葛鳥兔者。鮮卑奉以為主。至普回遂以字文為氏。

以神農配二丘。始祖獻

侯莫那

普回子。自陰山始徙遼西。

配南北郊。文王配明堂。廟號太祖。

仍用鄭康成義立太祖與二昭二穆為五廟。

禮記王制。天子七廟。

鄭康成注。此周制。七者。太祖及文王武王之祧。與親廟。四。殷則六廟。契及湯與二昭二穆。夏則五廟。無太祖。禹

與二昭二穆而已。其有德者。別為祧廟不毀。

二月梁蕭勃起兵廣州。次于南康。今贛州府。注見前。陳霸先遣將

軍周文育擊之。獲其將歐陽頔。傅泰。勃為其下所殺。

勃起兵于廣州。遣歐陽頔及其將傅泰。蕭孜。勃從子。為前

軍。南江州刺史余孝頃。余氏由余之。後以名為氏。以兵會之。孝頃先據新吳。

因就置南江州。以為刺史。新吳。漢縣。南唐改奉新。今屬南昌府。陳霸先遣周文育帥

諸軍進討。頔出南康。屯苦竹灘。亦曰苦竹洲。在南昌府豐城縣西南。泰據

蹠口城。在南昌府南。昌縣西南。孝頃出豫章。據石頭。此非建康之石頭。乃豫章

之渚名。在南昌府新建縣西北。水經注。贛水西岸有磐石。謂之石頭。津步處也。文育于豫章立

柵。分遣老弱乘故船。沿流俱下。燒豫章柵。偽若遁去者。

孝頃望之。大喜。不復設備。文育由間道兼行。據頔及孜。

泰孝頃之間。築城饗士。頗等大駭。文育遣周鐵虎等襲

頗。擒之。文育盛陳兵甲。與頗乘舟而宴。巡蹠口城下。使

其徒丁法洪攻泰。擒之。攻孝頃。退走。勃軍聞之。恟懼。遂

殺勃。

文育送頗。泰于建康。勦先與頗有舊。釋之。以為衡州刺史。使討嶺南。遂克廣州。攻孝頃。猶據石頭。勦

先遣侯安都。助文育攻之。攻出降。孝頃逃歸。已而從王琳屯臨川故城。明年兵敗。擒送建康。臨川。吳郡。齊廢

故曰故城。隋于此置撫州。今為府。屬江西。

周宇文護殺冢宰趙貴。大宗伯獨孤信。

周楚公趙貴。衛公獨孤信。故皆與太祖等夷。及晉公護

專政。皆怏怏不服。貴謀殺護。信止之。護聞之。遂殺貴。免

信官。自為大冢宰。未幾。復殺信。

周宇文護弑宋公。

宇文護羽翼已成。難以輕制。貴謀亦太過。決意之憤。然使貴事果成。則剪大惡。以杜奸萌。詎非萬一之幸。乃償於獨孤信之沮止。在信非有深識。遠慮。直為

苟全性命計耳卒亦被戮
死何益哉

夏六月梁陳霸先遣兵擊王琳于郢城

先是陳霸先徵王琳爲司空琳不就徵大治舟艦將攻
霸先霸先遣侯安都周文育將舟師會武昌以擊之

齊大蝗

河南北大蝗齊主以問魏郡丞崔叔瓚

季舒之兄對曰五行

志土功不時蝗蟲爲災今外築長城內興三臺殆以此
乎齊主大怒使左右毆之擢其髮以溷沃之曳足以出

秋八月周人歸故梁主繹之喪于王琳

琳請之也

後四年琳敗奔齊陳人始葬之

九月梁陳霸先自爲相國封陳公加九錫

周宇文護弑其君覺及其柱國李遠而立寧都公毓

小名統萬

突太祖長子。
是為明帝。

周主覺性剛果。見宇文護執政深惡之。司會周官。大冢宰。屬後周。

為中大夫。李植遠之子。軍司馬周官。大司馬。屬後周。為中大夫。孫恒以先朝佐

命入侍左右。亦疾護之專。乃與宮伯周官。掌王宮。後周亦為中大夫。乙

弗代北複姓。鳳賀拔提潛謀。請周主誅護。周主然之。植等又

引宮伯張光洛同謀。光洛以告護。護乃出植恒于外。鳳

等益懼。更請周主召羣公入譏。因執護誅之。光洛又以

告護。時領軍尉遲剛字婆羅。迴之弟。總統禁兵。護召之共謀廢

立。因遣入宮執鳳等。罷散宿衛兵。周主方悟。獨在內殿。

令宮人執兵自守。護遣柱國賀蘭祥其先為賀蘭莫何。非因以為氏祥字。

盛樂武川人。逼周主遜位。幽于舊第。召公卿議廢周主為畧

陽公迎立岐州刺史寧都公毓。鳳、恒等皆被殺。時李植父柱國遠鎮弘農。護召遠及植還朝。既至，植自陳初無此謀。護令畧陽公與相質。植辭窮，乃曰：「本為此謀，欲安社稷，利至尊耳。今日至此，何事云云？」于是護乃害植，并逼遠令自殺。尋弑畧陽公，黜其后元氏為尼。寧都公至自岐州，即天王位。後護誅追謚略陽公為孝愍皇帝。

冬十月，梁陳霸先自進爵為王，遂稱皇帝。是為武帝。廢梁主為

江陰王。梁自武帝代齊至敬帝亡，凡四主，合五十五年。

梁主禪位于陳。陳王使中書舍人劉師知沛國人引將軍

沈恪。字子恭，武康人。勒兵入宮，衛送梁主如別宮。恪排闥見王，

叩頭謝曰：「恪經事蕭氏，今日不忍見此，分受死耳。決不

奉命。王嘉其意。更以王僧志代之。王遂卽位于南郊。奉梁主爲江陰王。

陳以蔡景歷爲中書通事舍人。

是時政事皆由中書省。置二十一局。各當尚書諸曹。總國機要。尚書唯聽受而已。

陳主祠蔣帝廟。

注見前。

梁王琳及陳人戰。敗之。獲其將周文育。侯安都。遂克江州。侯安都至武昌。王琳將樊猛棄城走。周文育自豫章會之。安都聞陳主受禪。歎曰。今茲必敗。戰無名矣。時兩將俱行。不相統攝。部下交爭。稍不相平。軍至郢州。圍之未克。而王琳至。安都乃悉衆詣沌口。

在漢陽府漢陽縣西。南水經注。沌水逕沌。

陽縣南注于江謂合戰大敗又都文育及裨將周鐵虎

之沛口沛竹充反程靈洗皆被擒鐵虎辭氣不屈琳殺之囚安都等總以

長鎖繫之移湘州軍府就郢城遣樊猛襲據江州

陳以蕭乾字思惕齊豫章王嶷之孫為建安太守吳郡今福建建寧府是

時熊曇朗在南昌曇朗南昌人。世為郡著姓。侯景之亂。聚眾據豐城為柵。梁元帝以為巴山

太守江陵陷曇朗力浸疆。紹泰末。領豫章太守。豐城。晉縣。今屬南昌府。巴山。梁郡。隋廢。故城在今撫州府

崇仁周迪在臨川迪。臨川南城人。侯景之亂。迪宗人。續起兵臨川。尋為其部將所殺。迪勇冠

軍中遂推為主紹泰末。授臨川內史。留異在東陽。侯景之亂。會稽。以異為

泰末授臨川內史。紹泰末。封永興縣侯。陳

江陵陷僧辯以異仍守東陽。紹泰末。封永興縣侯。陳

寶應在晉安寶應。晉安侯官人。父羽為郡雄豪。侯景之亂。梁晉安太守蕭雲以郡讓羽。羽令寶應

典兵士眾彊盛侯景平。元帝以羽為晉安太守。紹泰元年。羽求傳郡于寶應。許之。晉安。晉郡。今福建福州府

是往往立砦以自保陳主患之使侍郎蕭乾諭以禍福

豪帥皆降卽以乾爲建安太守

已而曇朗據新淦以應王琳迪攻之曇朗敗走

爲村民所殺迪後進號南安將軍陳徵之令出鎮淦城不至陰與留異相結寶應亦潛與異合于是陳遣兵討迪異迪衆潰異戰敗俱奔晉安陳遂進軍討寶應破之擒寶應并異送建康伏誅迪竄山谷間久之潛出臨川太守駱牙誘而斬之傳首京師初會稽虞寄流寓閩中依寶應常從容論以順逆寶應輒引他語亂之及迪異奔晉安寄復以書切諫寶應不從後寶應敗謂其子曰早從虞公言不至今日
新淦漢縣故城在今江西臨江府清江縣今新淦縣隋開皇中徙置駱牙字旗門臨安人虞寄字次安會稽餘姚人

周以令狐整

字延保敦煌人爲豐州

梁置興州後周爲豐州隋改爲均州今州屬襄陽府刺

史

初梁興州刺史席固

字子堅安定人居襄陽

以州降魏魏以爲豐

州刺史久之固不遵北方制度周人密欲代之乃以司

憲中大夫

後周置貳秋官以左右刑罰

令狐整權鎮豐州。整傾身撫

接人情。遂洽。于是除整刺史。徙固湖州。

西魏置。故城在今南陽府唐縣。

整遷州于武當。

漢縣。明省。故城在今均州。

旬日之間。府城周備。遷者

如歸。固部曲多願留。為整左右。整諭以朝制。弗許。莫不

流涕而去。

十二月。齊主幽其弟永安王浚。

字定樂。高祖第三子。

上黨王渙。

字敬壽。高

祖第七子。于地牢。

初。齊有術士言。亡高者黑衣。齊主因問左右。何物最黑。

對曰。無過于漆。齊主以上黨王渙。于兄弟第七。執之。渙

殺使者而逃。為人所獲。送鄴。齊主又與永安王浚有舊。

怨。

齊主少。雖儒。與浚皆見世宗。有時洩出。浚責左右曰。何不為二兄拭鼻。因深銜之。

及即位。浚

爲青州刺史。聰明矜恕。吏民悅之。浚以齊主嗜酒敗德。欲乘驛至鄴。面諫。或密以白齊主。齊主益銜之。已浚入朝。從幸東山。齊主裸程爲樂。浚進諫曰。此非人主所宜。又于屏處召楊愔。譏其不諫。時齊主不欲大臣與諸王交通。愔懼。奏之。齊主大怒。浚尋還州。又上書切諫。詔徵浚。浚懼禍。謝疾不至。齊主遣馳驛收之。老幼泣送者數千人。至鄴。與上黨王渙。皆盛以鐵籠。置于地牢。飲食糞穢。共在一所。後齊主如北城。因視浚。渙于地牢。臨穴謳歌。令浚。渙和之。浚。渙悲怖。聲顫。齊主愴然泣下。將赦之。長廣王湛素與浚不睦。進曰。猛虎安可出穴。齊主默然。使左右刺之。浚。渙號哭呼天。乃燒殺之。遠近痛憤。長廣王湛高祖第九子。後爲武成帝。

戊寅陳永定二年。周明帝春正月。梁王琳伐陳。次于白水。乞

悉達先為梁臣梁為陳篡
自當舉州以應何至兩受
將軍平觀成敗唐南詔蒙
氏既奉朝命又通吐蕃時
謂之兩頭蠻於茲可謂罕
譬而喻

師于齊。

王琳引兵十萬。下至湓城。屯于白水浦。今日白水港。在九江府德化縣。

西。以魯悉達為將軍。陳主亦以悉達為將軍。各送鼓吹

女樂。悉達兩受之。而無所就。琳不敢下。乃遣使求援于

齊。且請納永嘉王莊。前質于齊。以主梁祀。琳在白水。周文育

歸陳。主遣尚書謝哲往諭琳。琳請還湘州。陳軍亦還。已而魯悉達部將引齊兵入北江州。悉達遂奔陳。謝哲

字穎豫。融之子。北江州。注見前。

周宇文護自為太師。

二月。齊北豫州刺史司馬消難。字道融。子。叛入于周。

消難以齊主昏虐滋甚。陰為自全之計。曲意撫循所部。

上黨王渙之亡也。鄴中大擾。疑其赴成。臯御史中丞畢

義雲遣御史詣北豫州先禁消難與籤家客等消難懼

密請降于周周遣柱國達奚武大將軍楊忠帥騎士迎

之武等從間道馳入齊境三遣使消難皆不報武疑有

變欲還忠曰有進死無退生獨以千騎夜趣城下城

四面峭絕但聞擊柝聲武親至麾數百騎西去忠勒餘

騎不動俟門開而入馳遣召武武以消難及其屬先歸

忠以三千騎為殿至洛南皆解鞍而卧齊眾來追至洛

北忠謂將士曰今在死地賊必不敢度水已而果然乃

徐引還武歎曰達奚武自

謂天下健兒今日服矣

齊納梁永嘉王莊于梁軍以王琳為梁丞相琳遂以莊稱

帝收元天啓

夏四月陳主霸先弒江陰王謚曰梁敬帝

五月陳主捨身于大莊嚴寺

冬齊以常山王演高祖第六子錄尚書事

四月弒逆五月捨身獲罪將安禱乎方諸同泰之恩可謂如出一轍

初常山王演以齊主沈酒憂憤形于顏色齊主覺之謂
曰。但令汝在我何爲不縱樂演雖啼立拜伏。竟無所言。
齊主亦大悲。抵孟于地曰。自今敢進酒者斬。未幾沈湎
益甚。演又密撰事條將諫。其友王友也。諸王宮僚有師有友。王晞字叔
期。北海以爲不可。演不從。因問極言。齊主大怒。召演于
前。以刀環擬脇。求演止。過不得。乃釋之。及演錄尚書事。
除官者皆詣演謝去。必辭。晞言于演曰。受爵天朝。拜恩
私第。自古以爲不可。宜一切約絕。演從之。久之。演從容
謂晞曰。主上起居不恒。吾豈可以前逢一怒。遂爾結舌。
卿宜爲撰諫草。吾當伺便極諫。晞遂條十餘事以呈。因
謂演曰。今朝廷所恃唯殿下。乃欲學匹夫耿介。輕一朝

之命。一旦禍至。奈家業何。演欷歔不自勝。即焚之。後復

乘間苦諫。齊主使力士亂捶之。會醉得解。

齊主褻黷之遊。遍于宗戚。

唯至常山之第。則不適而去。太子殷自幼溫裕開朗。甚有美名。齊主以其不似已。欲廢之。使手刃囚。太子惻然。不斷其首。齊主大怒。親以馬鞭撞之。太子由是氣悸。語吃。精神昏擾。齊主因酣宴。屢云。太子性懦。社稷事重。終當傳位常山。太子少傅魏收謂楊愔曰。太子國之根本。不可動搖。此言非所以為戲。愔白收言。齊主乃止。齊主既殘忍。有司莫不嚴酷。或堯鞏耳。使囚立其上。或燒車缸。使以臂貫之。惟郎中蘇瓊所至。皆以寬平為治。有人告反者。事或付瓊。多得申雪。

蘇瓊字珍之。武強人。

齊減百官祿。

齊主北築長城。南助蕭莊。士馬死者以數十萬計。重以修築臺殿。賜與無節。府藏之積。不足以供。乃減百官祿。撤軍人常廩。併省州郡縣鎮戍之職。以節費用焉。

十二月。陳高涼太守馮寶卒。

時海隅擾亂。寶妻沈氏懷集部落。數州宴然。其子僕生

九年。是歲遣帥諸酋長入朝。詔以爲陽春守。梁置陽春郡。隋改爲

縣。今屬廣

東肇慶府。

已陳永定三年。周武成春正月。周主始親政。

卯元年。齊天保十年。

宇文護上表歸政。周主始親萬機。軍旅之事。護猶總之。

是月。周改都督爲總管。

夏四月。齊主殺其膠州刺史杜弼。閏月。復殺其僕射高德。政。

齊主之爲魏相也。弼爲長史。齊主將受禪。弼諫止之。僕射高德政用事。弼又不爲之下。德政數短之。齊主因飲

往來歷代通鑑輯覽卷之四十五

三

酒遣使斬弼既而悔之驛追不及德政以齊主酣飲數
 疆諫齊主不悅謂左右曰高德政恒以精神陵逼人德
 政懼稱疾楊愔素忌德政因謂齊主曰若用德政為冀
 州病當自差從之德政即起齊主大怒殺之先是崔暹
 往哭謂其妻曰頗思暹乎對曰思之齊主
 曰然則往省之乃手斬其妻擲首牆外

五月丙辰朔日食

六月霖雨

周以霖雨詔羣臣極諫左光祿大夫樂遜字遵賢河上
 東倚氏人

言時宜其尤切于政要者凡四事其一以為比來守令
 代歸期促責其成效

專務威猛今關東之民淪陷塗炭若不布政優優何以
 使彼勞民歸就樂土其二以為頃者魏都洛陽一時殷
 盛貴勢競為侈靡終使禍亂交興比來朝貴器服稍華
 百工造作務盡奇巧臣誠恐物逐好移有損政俗其三

以為選曹補擬。宜與眾共。眾心明白。然後呈奏。其四。以為高洋據有山東。未易猝制。譬猶若劫相持。爭行先後。若一行不當。或成彼利。誠應捨小營大。先保封域。不宜貪利邊陲。輕為興動。

周主賜處士韋負

字敬遠。孝寬兄。

號逍遙公。徵魏將軍寇儁。

字祖儁。上

谷昌平人。入見。

負志尚夷簡。魏周之際。十徵不屈。太祖重之。不奪其志。周主禮敬尤厚。號曰逍遙公。晉公護延之至第。訪以政事。負仰視歎曰。酣酒嗜音。峻宇雕牆。有一於此。未或不亡。護不悅。驃騎大將軍開府儀同三司寇儁。少有學行。家人嘗賣物。多得絹五匹。儁知之。曰。得財失行。吾所不取。訪主還之。敦睦宗族。與同豐約。教訓子孫。必先禮義。自大統中。稱老疾。不朝謁。周主欲見之。儁不得已入見。

周主引與同席。問以舊事。以御輿送之。

陳主霸先歿。兄子臨川王蒨立。是爲文帝。

先是。陳主詔臨川王蒨築城于南皖。卽皖口鎮。皖水入江之口也。在今安

慶府懷寧縣西。及是。陳主以疾歿。陳主臨戎制勝。英謀獨運。而不輕調發。性儉素。常膳不過數品。私宴用瓦器。蚌

盤。散核充事而已。後宮無金翠之飾。不設女樂。時子

昌。字敬業。姪頊。始興王道譚次子。卽宣帝。皆以江陵之陷。沒于長安。內

無嫡嗣。外有彊敵。宿將在外。朝無重臣。唯中領軍杜稜

典宿衛兵。章皇后召稜。及中書侍郎蔡景歷。入禁中。定

議。急召臨川王蒨于南皖。侯安都軍還適至。遂與王俱

還至建康。羣臣奉王嗣位。王謙讓不敢當。后以昌故未

肯下令。羣臣猶豫不能決。安都曰。今四方未定。何暇及

遠臨川王有大功于天下。今日之事。後應者斬。即按劍。

上殿曰。皇后出璽。是日。禕即位。

諡陳主曰武皇帝。廟號高祖。葬萬安陵。

侯瑱為太尉。安都為司空。

秋八月。周主始稱皇帝。

周御正中大夫崔猷。

字宣猷。挺之孫。

建議以為聖人沿革。因時。

制宜。今天子稱王。不足以威天下。請遵秦漢舊制。稱皇。

帝。建年號。從之。

冬十月。齊主洋殂。太子殷立。

是為廢帝。

齊主嗜酒成疾。自知不能久。謂李后曰。人生必有死。何。

足致惜。但憐正道尚幼。人將奪之耳。又謂常山王演曰。

奪則任汝。慎勿殺也。召尚書令楊惔。領軍平秦王歸彥。

御批歷代通鑑輯覽 卷之四十五

侍中燕子獻字季則。廣漢下洛人。侍郎鄭頤字子默。彭城人。受遺詔輔政。

十月。殂于晉陽。諡文宣皇帝。廟號高祖。後改顯祖。葬武寧陵。羣臣無下泣者。

唯楊愔涕泗嗚咽。太子殷卽位。詔諸雜作一切停罷。

庚陳世祖文帝。諱天嘉元年。周武成二年。齊主殷乾明元年。肅宗孝昭帝。演皇建元年。春二月。梁丞

相琳伐陳。敗績。與梁主莊皆奔齊。

王琳聞陳高祖殂。乃以孫瑒字德璉。吳人。為郢州刺史。總留

任奉梁主莊出屯濡須口。齊行臺慕容儼帥眾臨江。為

之聲援。琳攻大雷。陳遣侯瑱。侯安都及徐度將兵禦之。

吳明徹夜襲湓城。琳遣兵擊敗之。因引兵東下。二月。琳

至柵口。侯瑱出屯蕪湖。相持百餘日。周人聞琳東下。遣

荊州刺史史寧將兵數萬。乘虛襲郢州。孫瑒嬰城自守。

琳恐衆潰。乃帥舟師去蕪湖十里而泊。齊軍屯于西岸。

軍勢甚盛。時西南風急。琳引兵直趣建康。瑱等徐躡其

後。風反爲瑱用。琳擲火炬。皆反燒其船。瑱發拍拍竿也。以拍敵

船。擊艦。以牛皮冒蒙衝小船觸之。琳軍大敗。齊軍自相

蹂踐。陳軍乘之。斬獲萬計。琳走奔齊。梁主莊左右皆散。

獨侍中袁泌字文洋。昂之子。以輕舟送莊。達于齊境。拜辭而還。

遂奔陳。御史中丞劉仲威之遴奉莊奔齊。樊猛及其兄

毅字智烈。帥部曲降陳。孫瑒固守郢州。周人圍之。不能克。及琳敗。周人聞陳師將至。乃解圍去。

瑒集將佐謂曰。吾與王公同獎梁室。勤已至矣。時事如此。豈非天平乎。遂以州降陳。

齊太傅常山王演殺尚書令楊愔等。自爲丞相。都督中外

諸軍事。

齊顯祖之喪。常山王演居禁中。護喪事。婁太后欲立之而不果。齊主殷立。演乃居東館。事皆咨決。楊愔等以演與長廣王湛位地親逼。恐不利于嗣主。忌之。居頃之。演出歸第。自是詔敕多不關預。齊主將發晉陽。時議謂演必留守本根。楊愔疑之。使與長廣王湛俱從還鄴。外朝駭愕。先是領軍將軍可朱渾天和元之子。每曰。若不誅二王。少主無自安之理。及是。燕子獻謀處婁太后于北宮。使歸政李太后。楊愔又以爵賞多濫。悉加澄汰。由是失職之徒。歸心二王。平秦王歸彥初與楊燕同心。既而中變。歸彥總知禁衛。愔留從駕兵五千于西中。不關白歸彥。歸彥由是怨愔。盡以其謀告二王。侍中宋欽道廣平人。弁之孫。向侍東宮。面奏齊主曰。二王權

重宜速去之。齊主不許。愔等乃奏李太后出二王爲刺
史。宮人李昌儀卽高仲密之妻也。李太后以啟示之。昌
儀密啟婁太后。愔等又議不可令二王俱出。乃奏以湛
鎮晉陽。演錄尚書事。二王拜職。丁尚書省大會百僚。愔
等將赴之。鄭頤止之。愔不聽。湛伏家僮數十人于後室。
及宴。與賀拔仁。斛律金等。于坐執愔及天和。欽道子獻
毆之。愔大言曰。諸王反逆。欲殺忠良邪。尊天子。削諸侯。
赤心奉國。何罪之有。使人執頤。頤曰。不用智者言至此。
命也。二王與歸彥等。擁愔等突入雲龍門。至昭陽殿。婁
太后出坐殿上。李太后及齊主側立。演叩頭曰。臣與陛
下骨肉至親。楊遵彥等欲獨擅朝權。威福自己。若不早

圖必為宗社之害。臣與湛等已共執之。未敢刑戮。專輒

之罪。誠當萬死。

時衛士二千餘人皆被甲待詔。武衛娥

視齊主素吃訥。倉猝不知所言。婁太后令却仗不

退。又厲聲曰。奴輩即今頭落。乃退。永樂內刀而泣。婁太

后乃讓齊主曰。此等懷逆。欲殺我二子。次將及我。爾何

為縱之。齊主不能言。婁太后怒且悲曰。豈可使我母子

受漢老嫗斟酌。李太后拜謝。齊主乃曰。天子亦不敢為

叔惜。況此漢輩。但勾兒命。自下殿去。此屬任叔父處分。

遂皆斬之。以中書令趙彥深代楊愔總機務。演為大丞

相。都督中外諸軍。錄尚書事。演遂如晉陽。齊主詔軍國

規

陳衡陽王昌自周歸于陳。陳主殺之。

初。陳高祖以其子昌姪項在長安。屢請于周。周不遣。至是。乃遣昌還。昌致書陳主。辭甚不遜。陳主召侯安都謂曰。太子將至。須別就一藩歸老。安都曰。自古豈有被代天子。臣愚不敢奉詔。請自迎之。于是陳主遂以昌爲衡陽王。昌濟江。安都于中流殞之。以溺告。安都因進爵清遠公。

陳遣使如周。

初。高祖遣毛喜。

字伯武。陽武人。

從安成王項詣江陵。梁元帝以

喜爲侍郎。没于長安。至是與昌俱還。因進和親之策。陳

主乃使周弘正通好于周。

夏四月。周宇文護進毒弑其君毓。毓弟魯公邕。

太祖第四子。立。

後漢書

卷之四十五

三

是為武帝

周主明敏有識量宇文護憚之使膳部中大夫後周置屬冢宰

胡三省曰唐光祿寺之職也李安寘毒于糖餽九餅也餽都回反而進之周

主覺之口授遺詔五百餘言且曰朕子年幼未堪當國

魯公邕朕之介弟寬仁大度海內共聞能弘我周家必

此子也遂殂諡明皇帝廟號世宗葬昭陵邕即位邕初為世宗所親

愛大事多與之叅議性深沉有遠識非因顧問未嘗輒

言

秋八月齊常山王演廢其主殷為濟南王而自立是為孝昭帝

演以王晞為司馬嘗密謂曰比諸勲貴敦迫言我違天

不祥恐當有變吾欲以法繩之何如晞曰比者殿下倉

猝所行。非復人臣之事。上下相疑。何由可久。殿下雖欲謙退。恐墜先帝之基。演曰。卿勿多言。晞又密以問趙彥深。彥深曰。我比亦驚此聲論。每欲陳聞。則口噤心悸。弟旣發端。吾亦當昧死一披肝胆。因勸演。演遂言于婁太后。趙道德曰。相王不效周公輔成王而欲骨肉相奪。不畏後世謂之篡邪。未幾。演復啟太后。以人心未定。恐奄忽變生。須早定名位。太后從之。八月。下令廢齊主殷爲濟南王。出居別宮。以常山王演入纂大統。且戒之曰。勿令濟南有他也。演遂卽位于晉陽。詔封功臣。禮賜耆老。延訪直言。褒賞死士。追贈名德。齊主演識度沈敏。少居臺閣。明習吏事。卽位尤自勤勵。大革顯祖之弊。嘗問舍人裴澤得失。對曰。陛下聰明至公。而頗傷細。帝王之度。頗爲未弘。齊主笑曰。朕

初臨萬幾。慮不周悉。故致如此。但恐後又嫌疎漏耳。羣臣進言。皆從容受納。性至孝。太后不豫。容色貶悴。衣不解帶。食飲藥物。皆手親之。齊主欲以王晞爲侍郎。苦辭不受。或勸之曰。我少年以來。閱要人多矣。得志少時。鮮不顛覆。人主私恩。何由可保。萬一披猖求退。無地。非不好作要官。但思之爛熟耳。

陳太尉侯瑱攻湘州。周遣軍司馬賀若敦

代人救之。

江陵之陷也。巴湘之地。皆入于周。周使梁人守之。至是

陳太尉侯瑱等將兵逼湘州。周遣軍司馬賀若敦將步

騎救之。又遣獨孤盛將水軍與敦俱進。會秋水汎溢。糧

援斷絕。敦恐瑱知之。乃于營內多爲土聚。覆之以米。召

旁村人陽有訪問。隨卽遣之。瑱以爲實。瑱又增修營壘

爲久留之計。

先是士人多乘輕船載米肉以餉瑱軍。敦乃僞裝餉船。伏甲士于中。瑱軍望見。逆來

爭取。甲士出而擒之。又敦軍數有乘馬投瑱者。敦乃別取一馬。牽以趣船。令船中逆以鞭鞭之。如是再三。馬畏

不上。然後伏兵江岸。使人乘畏船。詐降瑱軍。瑱遣兵迎接。馬畏船不上。伏發盡殺之。後實有餽餉。及亡降者。瑱皆拒擊之。已而瑱襲破獨孤。盛于楊葉洲。胡三省注。盛收在湘江口。

兵登岸。築城自保。

是冬。巴陵降陳。獨孤盛將餘衆潛遁。侯瑱與賀若敦相持日久。明年正月。

敦拔軍北歸。于是巴湘遂入于陳。

冬十一月。齊以盧叔虎

柔從叔

爲太子庶子。

齊主問時務于叔虎。叔虎請伐周。曰。我疆彼弱。我富彼貧。其勢相懸。然未能併吞者。此失于不用疆富也。宜立重鎮于平陽。與彼蒲州相對。深溝高壘。運糧積甲。彼閉關不出。則蠶食其地。若彼出兵。則費損必多。我軍士年別一代。一年一更戍也。穀食豐饒。彼來求戰。我則不應。彼若退去。我乘其弊。與我相持。農業且廢。不過三年。彼自破矣。

齊主深善之。

十二月。陳制春夏不斷死刑。

齊置屯田。

初。齊境糴貴。左丞蘇珍芝建議修石鼈

城名。在揚州府寶應縣。鄧艾所

築等屯。自是淮南軍防足食。平州刺史嵇晞建議開督

亢陂。

注見前。

置屯田。歲收稻粟四十萬石。北境周贍。又于

河內置懷義等屯。

胡三省注。齊分河內汲郡爲懷州。置懷義等屯。

以給河南之

費。自是稍止轉輸之勞。

辛陳天嘉二年。周高祖武帝邕保定元年。齊世祖武成帝湛太寧元年。

春正月。周宇文護自

加都督中外諸軍事。

又詔五府總于天官。事無巨細。皆先斷後聞。

齊以王琳爲揚州刺史。

齊主使王琳出合肥召募。更圖進取。陳台州刺史裴景徽請爲鄉導。齊主使琳與盧潛將兵赴之。琳沉吟不決。

景徽恐事泄。挺身奔齊。齊主以琳爲驃騎開府揚州刺

史。鎮壽陽。

已而琳與潛有隙。齊徵林還鄴。以潛爲揚州刺史。

二月。周以韋孝寬爲勳州刺史。

周人以韋孝寬嘗立勳于玉壁。乃置勳州于玉壁。以孝

寬爲刺史。孝寬有恩信。善用間諜。故齊之動靜。皆先知

之。

齊境生胡。數爲抄掠。不可誅討。孝寬欲築城于險要。以制之。遣開府姚岳監之。岳以兵少不敢前。孝寬曰。

此城距晉州四百餘里。築之十日可畢。吾一日創手。三日敵境始知。晉州徵兵。三日方集。謀議之間。自稽二日。計其軍行。二日不到。我之城隍辦矣。乃築之。齊人果至境上。疑有大軍。停留不進。其夜孝寬使諸村縱火。齊人

築城備警。非不足以集事。孝寬促成於旬日之間。使敵人猝不及覺。其膽識勝姚岳遠甚。然亦幸而賊兵畏沮不前。工役得如期。

而就若謂孝寬之按日逆計皆能億中不爽則未免粉飾之過也

御批通鑑輯覽 卷之四十五

以爲軍至收兵自固岳卒城而還

三月周制十二丁兵

周改八丁兵境內丁兵分爲八番以八節代役爲十二丁兵率歲一月

役分爲十二番每月一代

夏四月丙子朔日食

秋七月周更鑄錢

文曰布泉一當五與五銖並行

九月齊主演弑濟南王

濟南王在鄴望氣者言鄴中有天子氣平秦王歸彥恐

王復立勸齊主除之齊主乃使歸彥詣鄴徵濟南王至

晉陽殺之勿齊主之誅楊燕也許以長廣王湛爲太弟

亂而立太子百年湛心不平及齊主徵濟南

演不能容殷湛獨能容百
年乎作法不憾于寧陵何
及耶

士湛方守鄴問計于散騎常侍高元海元海曰有三策
請殿下如梁孝王故事從數騎入晉陽見太后主上請
去兵權不干朝政此上策也。不然表請青齊刺史沈靖
自居此中策也。更問下策曰發言即恐族誅固逼之元
海曰濟南世嫡主上奪之今集文武示以威濟南之教
斬高歸彥尊立濟南號令天下以順討逆此萬世一時
也。湛大悅然未能用。
高元海高祖從孫。

冬十月甲戌朔日食

十一月齊主演殂弟長廣王湛立。是為武成帝。廢太子百年為

樂陵王。

齊主演出畋馬驚墜地絕肋。妻太后視疾問濟南所在
者三齊主不對。太后怒曰殺之邪。不用吾言死其宜矣。
遂去不顧。齊主乃徵湛立之。又與書曰百年無罪可以
樂處置之勿效前人。遂殂。諡孝昭皇帝。葬文靖陵。遺命至鄴。湛猶

疑其詐。使所親先詣殯所發視。使者復命。乃喜。馳赴晉陽。即位。立百年為樂陵王。

周遣使如陳。

周人許歸陳安成王頊。使司會上士杜杲字子暉。杜陵人。如陳。

陳主遣使報之。并貽以黔中地及魯山郡。注俱見前。

十二月。陳立鹽賦。權酤法。

庶子虞荔字山披。寄之兄。中丞孔奐字休文。會稽山陰人。以國用不足。奏

立之。

壬陳天嘉三年。齊河清元年。周保。午定二年。後梁世宗。歸天保元年。春。閏二月。齊以高歸彥

為冀州刺史。和士開字彥通。清都臨漳人。為黃門侍郎。

平秦王歸彥為肅宗所厚。恃勢驕盈。至是。侍中高元海

等言其必為禍亂。齊主亦尋其反覆之跡。漸忌之。以為冀州刺史。齊主之為長廣王也。和士開以善握槊彈琵琶有寵。及即位。累遷黃門侍郎。高元海及中丞畢義雲。黃門郎高乾和。皆疾之。將言其事。士開乃奏元海等交納朋黨。欲擅威福。乾和由是被疎。義雲納賂。得為兗州刺史。歸彥至冀州。內不自安。欲待齊主如晉陽。乘虛入鄴。事覺。齊主遣段韶等討之。歸彥閉城拒守。已而城破。擒送鄴。並其子孫皆棄市。

陳改鑄五銖錢。

梁末喪亂。鐵錢不行。民間私用鵝眼。至是改鑄五銖錢。

一當鵝眼之十。

後梁主詔殂。太子歸立。

是為文帝。

後梁主安于儉素。不好酒色。以封疆褊隘。邑居殘毀。鬱

鬱不得志。疽發背而殂。

諡曰宣帝。廟號中宗。

三月。陳安成王頊。自周歸于陳。

周遣杜杲送頊南歸。陳以爲中書監。陳主謂杲曰。家弟
今蒙禮遣。實周朝之惠。然魯山不返。亦恐未能及此。杲
對曰。安成。長安一布衣耳。而陳之介弟也。其價豈止一
城而已哉。本朝敦睦九族。恕已及物。上遵太祖遺旨。下
思繼好之義。是以遣之南歸。今乃云以尋常之士。易骨
肉之親。非使臣之所敢聞也。陳主甚慚。曰。前言戲之耳。
後果有加。頊妃柳氏及子叔寶。卽後主。猶在穰城。陳主復
遣毛喜如周。請之。周人皆歸之。

夏四月。齊太后婁氏殞。

齊主不改服。服緋袍。登三臺。置酒作樂。宮女進白袍。和士開請止樂。齊主怒。搃之。

齊青州言河水清。

齊主遣使祭之。改元。

周始命貴臣食邑。

先是。周之羣臣。受封爵者。皆未給租賦。至是。詔聽寄食他縣。

秋九月。戊辰朔。日食。

癸陳天嘉四年。周保定未三年。齊河清二年。

春正月。齊以高元海爲兗州刺史。齊主終日酣飲。朝事專委高元海。又以元海庸俗。輕之。

御批歷代通鑑輯覽

卷之四十五

兗州刺史畢義雲作書與元海論時事給事中李孝貞
得而奏之齊主由是疎元海以孝貞兼中書舍人徵義
雲還朝和士開復譖元海齊主以馬鞭箠元海責曰汝
昔教我反以弟反兄不義也以鄴城抗并州無智也出
之兗州

二月周頒大律

周主命司憲大夫拓跋迪

周令諸元從本姓事具前

造大律二十五

篇行之其制罪一曰杖刑自十五至五十二曰鞭刑自

六十至百三曰徒刑自一年至五年四曰流刑自二千

五百里至四千五百里五曰死刑磔

懸而絞縋而殺之斬梟

縣首裂車裂

凡二十五等

五刑之屬各有五

三月乙丑朔日食。

齊城軹關。

在今懷慶府濟源縣西北。述征記。太行八陁。第一曰軹關陁。

齊詔司空斛律光督步騎二萬築勲掌城。

以通勲掌谷。故名。

于

軹關仍築長城二百里置十二戍。

夏四月周主養老于太學。

周主將視學以太傅燕國公于謹爲三老仍賜以延年杖遂幸太學謹入門周主迎拜謹答拜有司設席于中

楹大師護設几謹升席南面憑几而坐大司馬豆盧寧

豆盧代北複姓寧字永安徒河人。

正舄周主立于斧扆之前西面有司

進饌周主跪設醬豆袒割謹食畢周主跪受爵以醕有

司徹周主北面立而訪道謹起立于席後以對。

言曰木受繩則

正。后從諫則聖。明王虛心納諫。以知得失。天下乃安。又曰。去食去兵。信不可去。願陛下守信勿失。又曰。有功必賞。有罪必罰。則爲善者日進。爲惡者日止。又曰。言行者立身之基。願陛下三思而言。九慮而行。勿使有過天子之過。如日月之食。人莫不知。願陛下慎之。周主再拜受言。謹答拜。禮成而出。六月。陳殺其司空侯安都。

初。安都鎮京口。恃功驕橫。陳主銜之。安都弗之覺。嘗陪樂遊園。喫飲。謂陳主曰。何如作臨川王時。陳主曰。此雖天命。抑亦明公之力。宴訖。啓借供帳水飾。明日載妻妾入宴。安都坐御座。賓客居羣臣位。陳主惡之。舍人蔡景歷希旨。稱安都謀反。陳主慮其不受召。故以爲江州刺史。安都過建康。陳主與宴。又集其將帥。會于朝堂。于坐悉收之下。詔暴其罪惡。明日賜死。

初。高祖與諸將宴。杜僧明。周文育。侯安都。

各稱功伐。高祖曰：卿等悉良將也，而皆有所短。杜公志大而識闇，狎于下而驕于上。周侯交不擇人，而推心過差。侯郎傲誕而無厭，輕佻而肆志，並非全身之道。卒皆如其言。僧明病死江州，文育為熊曇朗所殺。安都至是，被誅。

齊主殺其河南王孝瑜。

字正德，文襄長子。

齊侍中和士開有寵，姦諂百端，賞賜不可勝計。每侍左

右，言辭容止，極諸鄙褻，無復君臣之禮。

士開嘗謂齊主曰：自古帝王，盡

為灰土。堯舜桀紂，竟復何異？陛下宜及少壯，極意為樂，縱橫行之。一日取快，可敵千年。國事盡付大臣，何慮不辦？齊主大悅。于是委趙彥深掌官爵，元文遙掌財用，唐邕掌外兵，白建掌騎兵。馮子琮、胡長粲、掌東宮。三四日，一視朝，書數字而已。白建，字彥舉，太原陽邑人。馮子琮，信都人。胡長粲，國珍從曾孫。齊主使士

開與胡后握槊。河南王孝瑜諫曰：皇后天下之母，豈可

與臣下接手？趙郡王叡

高祖弟琛之子。

及士開共譖孝瑜奢僭。

山東唯聞有河南王。不聞有陛下。齊主酖殺之。諸侯在

宮中者。莫敢舉聲。唯河間王孝琬

文襄第三子。

大哭而出。

秋九月。周及突厥侵齊。

初。周人欲與突厥連兵伐齊。許納其女爲后。遣楊荐

字承

畧。秦郡寧夷人。

及王慶

字興慶。太原祁人。

往結之。齊人懼。亦遣使求昏。

于突厥。木杆貪齊幣重。欲執荐等送齊。荐知之。責木杆

背恩。

周太祖以蠕蠕降衆付突厥。事具前。

本杆慘然良久。乃許爲周出師。

然後送女。于是周遣楊忠將步騎出北道。與突厥伐齊。

又遣達奚武出南道。期會于晉陽。忠拔齊二十餘城。突

厥以十萬騎會之。三道俱入。時大雪平地數尺。齊主自

鄴倍道赴晉陽。斛律光將步騎三萬屯平陽。周師及突

齊湛昏庸更非洋比一時
輩軍拒敵用段韶以倖勝
是猶號公敗戎天奪之鑒
適益其疾爾

厥逼晉陽齊主欲走避之趙郡王叡河間王孝琬叩馬
諫齊主命六軍進止皆收叡節度而使并州刺史段韶
總之

甲陳天嘉五年周保定
申四年齊河清三年春正月齊主及周師戰于晉陽周
師敗績

齊主登北城軍容甚整突厥咎周人曰爾言齊亂故來
伐之今齊人眼中亦有鐵何可當邪周人以步卒爲前
鋒從西山下去城二里許諸將咸欲逆擊之段韶曰步
卒力勢有限今又積雪逆戰非便不如陳以待之彼勞
我逸破之必矣既至齊悉其銳兵鼓譟而出突厥震駭
引上西山不肯戰周師大敗而還突厥引兵出塞比至

長城馬死且盡達奚武至平陽聞忠退亦還。

二月庚寅朔日食。

三月齊頒律令制田賦。

初齊顯祖命判定齊律久而不成決獄者罕依律文相承謂之變法從事及齊主卽位思革其弊乃督修者至是而成其刑名有五。一曰死。輶卽車裂。梟斬絞。二曰流。投

邊裔爲兵。三曰刑。自五歲至一歲。四曰鞭。自百至四十。

五曰杖。自三十至十。凡十五等。其流內官及老小閹癡

并過失應贖者皆以絹代金。是後爲吏者始守法令。又

令民十八受田。輸租調。二十充兵。六十免力役。六十六

還田。免租調。一夫受露田。注見前。八十畝。婦人四十畝。奴

婢依良人牛受六十畝。牧牛一頭受田六十畝限四年大率一夫一婦。

調絹一匹綿八兩。墾租二石。義租五斗。奴婢準良人之

半。牛調二尺。墾租一斗。義租五升。墾租送臺。義租納郡。

以備水旱。

周初令百官執笏。禮記玉藻。笏二尺有六寸。其中博三寸。其殺六分而去一。唐會要笏制上圓

下方。五品以上並用象。九品以上任用竹木。

夏六月。白虹貫日。齊主殺其兄之子樂陵王百年。

時白虹圍日再重。又橫貫而不達。赤星見。齊主欲以百

年厭之。百年常作數敕字。教書者封奏之。齊主怒。使召

百年。百年知不免。割帶玦留與其妃斛律氏而入。齊主

遣左右亂捶之。氣息將盡。乃斬之棄諸池。池水盡赤。妃

把玦哀號不食。月餘亦卒。玦猶在手。拳不可開。其父光自擘之。乃開。

秋八月丁亥朔日食。

九月周封李昫為唐公。

胡三省曰李氏有天下國號曰唐本此。

昫虎之子也。以追錄佐命元功封。後昫卒。子淵襲爵。唐

高祖

齊人歸宇文護之母子周。

初周太祖之從賀拔岳在關中也。遣人迎護于晉陽。護母閭氏及周主之姑皆留晉陽。齊人以配中山宮。及護用事。遣間使入齊求之。莫知音息。及是周人謀與突厥再伐齊。齊主懼。許歸護母。且求通好。先遣其姑歸。令人

爲護母作書言護初時數事又寄其所著錦袍以爲信
驗護得書悲不自勝齊人復使其母與書邀護重報往
返再三乃遣之閻氏至周舉朝稱慶周主爲之大赦時
韶拒突厥軍于塞下齊主將還護母遣使乘傳問韶韶
以周人反覆本無信義護名爲相其實主也既爲母請
和遣一介之使若據移書卽送其母恐示之以弱
不如且外詰之待和親堅定遣之未晚齊主不聽
冬十月周宇文護會突厥侵齊十二月齊人及護戰于洛
陽大敗之

突厥自幽州還留屯塞北更集諸部兵遣使告周欲與
共擊齊如前約宇文護新得其母未欲伐齊又恐負突
厥約更生邊患不得已徵內外諸軍凡二十萬人遣尉
遲迴將前鋒趣洛陽權景宣字暉遠天趣懸瓠楊擲字

進。正平出軹關。景宣克齊二州。擄輕敵十一月周人攻

洛陽。不克。護命諸將塹斷河陽路。遏齊救兵。諸將以爲

齊兵必不敢出。唯張斥堠而已。齊主遣蘭陵王長恭。

孝璿。文襄第四子。及大將軍斛律光救洛陽。又召并州刺史段

韶督精騎繼進。齊主亦自晉陽赴之。韶至洛陽。與諸將

觀周軍形勢。至太和谷。卽太谷。注見前。與周軍遇。馳告諸營。迫

集騎士。結陳以待。韶爲左軍。長恭爲中軍。光爲右軍。周

人不意其至。皆恐懼。韶遙謂曰。汝宇文護纔得其母。遽

來爲寇。豈欲送死邪。周人以步兵上山逆戰。韶且戰且

却以誘之。待其力弊。然後下馬擊之。周師大敗。死者甚

衆。在城下者。亦解圍遁去。委棄資械。彌滿川澤。唯齊公

憲

字毗賀突大祖第五子

達奚武王雄

字切布頭太原人

在後拒戰

雄馳馬衝

斛律光陳光退走雄追之按稍不及光者丈餘欲生擒之光唯餘一矢射雄中額雄走至營而卒軍眾益懼齊

公憲拊循督勵眾心小安至夜收軍憲欲待明更戰武曰洛陽軍散

人情震駭若不因夜速還明日欲歸不得矣乃還護本

無將畧是行又非本心故敗

周滅宕昌置宕州

治宕昌郡唐為交河戍故城在今鞏昌府岷州

宕昌王梁彌定屢寇周邊周討滅之以其地置宕州

乙陳天嘉六年周保定五年夏四月陳侍中安成王瑱免

瑒以帝弟之重勢傾朝野直兵鮑僧叡恃瑒勢為不法

御史中丞徐陵為奏彈之從南臺

御史臺為南臺

官屬引奏案

而入陳主為斂容正坐陵進讀奏版時瑒侍殿上流汗

失色。陵遣殿中御史引頊下殿。陳主爲之免頊侍中。朝廷肅然。

彗星見。齊主湛傳位于太子緯。是爲後主。自稱太上皇帝。以祖珽爲秘書監。

珽有文無行。齊主以爲中書侍郎。遷散騎常侍。初。珽嘗

功曹。因宴失金叵羅。于珽。善上得之。又坐詐盜官粟。鞭

配甲坊。又嘗坐貶當校。除名。顯祖愛其才。復令直中書

省。齊主爲長廣王。珽言殿下有非常骨法。及卽位。遂擢

拜之。珽與和士開共爲姦諂。私說士開曰。君之寵幸。振

古無比。宮車一日晚駕。欲何以克終。士開因從問計。珽

曰。宜說主上云。文襄文宣孝昭之子。俱不得立。今宜令

皇太子早踐大位。以定君臣之分。若事成。中官少主。必

皆德君。此萬全計也。請君微說主上。令粗解。珽當自外

上表論之。會彗星見。太史奏云。除舊布新之象。珽于是
上書言。陛下雖爲天子。未爲極貴。宜傳位東宮。且以上

應天道齊主從之傳位于緯以太子妃斛律氏為后子
是羣公上尊號為太上皇帝軍國大事咸以聞使侍郎
馮子琮左丞胡長粲輔導少主珽拜秘書監大被親寵
秋七月辛巳朔日食

冬十月周殺其中州

周置今河南府新安縣是

刺史賀若敦

周以函谷關城為通洛防

猶塞也

以賀若敦為中州刺史

鎮之敦恃才負氣以湘州之役全軍而返謂宜受賞翻

得除名對臺使出怨言宇文護怒徵還逼令自殺

敦臨死謂

其子弼曰吾志平江南今而不果汝必成吾志吾以舌死汝不可不思因引錐刺弼舌出血以誡之弼字輔

伯後為

隋將

丙陳天康元年周天和

春正月己卯朔日食

通鑑綱目俱不書朔今依

北史周武帝紀補書。

夏四月。陳以孔奐爲太子詹事。

陳主不豫。尚書孔奐與安成王瑱僕射到仲舉。字德言。洽之子。

等入侍醫藥。陳主以太子伯宗字奉業。柔弱。謂瑒曰。吾欲

遵太伯之事。瑒拜泣固辭。陳主又謂仲舉。奐等曰。今三

方鼎峙。四海事重。宜須長君。卿等宜遵此意。孔奐流涕

對曰。皇太子聖德日躋。安成王足爲周旦。若有廢立之

心。臣誠不敢奉詔。陳主曰。古之遺直。復見于卿。乃以奐

爲太子詹事。

陳主禱祠太子伯宗立。是爲廢帝。

陳主疾甚。遂殂。謚文皇帝。廟號世祖。葬永寧陵。遺詔太子卽位。世祖起自艱難。

知民疾苦。性明察儉約。每夜刺閨。取外事分判者。前後相續。敕傳更籤于殿中者。必投籤于階石之上。令鎗然有聲。曰。吾雖眠。亦令驚覺。刺閨。以錐繭物曰刺。閨。宮中小門也。就閨中刺取外事。故曰刺閨。

五月。陳以安成王顓為司徒錄尚書事。徐陵為吏部尚書。

陵以梁末以來。選授多濫。乃為書示眾曰。永定之時。聖

朝草創。白銀難得。黃札薄木板也。用以書詔。易營。權以官階代于

錢絹。致令員外常侍。路上比肩。諮議參軍。市中無數。今衣冠禮樂。日富年華。何可猶作舊意。非理望也。眾咸服之。

冬十二月。齊始用士人為縣令。

魏末以來。縣令多用廝役。由是士流恥為之。齊僕射元文遙以為縣令。治民之本。遂請革選。密擇貴遊子弟。發

布

敕用之。悉召集神武門。令趙郡王叡宣旨慰諭而遣之。
齊之士人爲縣令自此始。

丁陳主伯宗光大元年。周
亥天和二年。齊天統三年。春正月。癸酉朔。日食。

二月。陳安成王頊殺中書舍人劉師知。又殺僕射劉仲舉。

師知與安成王頊到仲舉同受世祖遺詔輔政。師知見

頊爲朝野所屬。忌之。謀出頊于外。東宮舍人殷不佞。字

卿。不害素以名節自任。馳詣相府。矯敕謂頊曰。今四方

無事。主可遷東府。經理州務。揚州刺史治東府。頊時
居尚書省。故不佞令遷。中

記室毛喜。馳語頊曰。此必非太后意。須更聞奏。領軍將

軍吳明徹亦贊之。頊乃稱疾。召師知與語。使喜入言于

太后。太后曰。伯宗幼弱。政事並委二郎。此非我意。陳主

亦曰。此自師知等所爲。朕不知也。喜以報項。項因囚師知。入見太后。以師知付廷尉。賜死。以仲舉爲光祿大夫。不佞少有孝行。項雅重之。免官而已。自是國政盡歸于項。右衛將軍韓子高。會稽山陰人。與仲舉通謀。事未發。仲舉廢心不自安。子高亦自危。求出。或告其謀。項召文武議立皇太子。仲舉子高入。皆執之。下獄賜死。

夏四月。陳湘州刺史華皎。

晉陵暨陽人。

叛。附于周。

皎與韓子高俱爲世祖所親任。子高死。皎內不自安。遣使潛引周兵。又自歸于梁。陳安成王瑱遣吳明徹等襲之。皎使至長安。梁主亦上書言狀。宇文護遣襄州總管衛公直。字立羅突。太祖子。等帥師助皎。周司會崔猷曰。前歲東征。死傷過半。比雖循撫。

瘡痍未復。今陳氏保境息民。共敦鄰好。豈可利其土地。納其叛臣。違盟約之信。興無名之師乎。護不從。

月。梁遣其柱國王操。將兵二萬會之。周衛公直總水陸

軍。與皎俱下。與吳明徹戰于沌口。西軍以艦載薪。因風

縱火。俄而風轉自焚。西軍大敗。皎直俱奔江陵。是月。陳將程靈

洗。以舟師襲周沔州。刺史裴寬拒戰。靈洗擒之。明年。吳明徹乘勝進攻江陵。以水灌之。梁王操晝夜拒守。擊明

微敗之。陳師乃退。裴寬。字長寬。聞喜人。

秋八月。齊以東平王儼字仁威。齊主之弟。為司徒。

儼有寵于上皇及胡后。為司徒。領御史中丞。魏故事。中丞出。與太

子分路。王公皆遙駐車。去牛頓輓于地。以待其過。少遲。則前驅以赤棒棒之。自遷鄴後。此儀廢絕。上皇欲尊寵

儼。一遵舊制。儼性剛決。嘗言于上皇曰。尊兄懦。何能帥左右。

上皇每稱其才。有廢立意。胡后亦勸之。既而中止。儼尋徙封

為張
邪三

冬十一月戊戌朔日食

齊流祖珽于光州

魏置隋改萊州今為府屬山東

珽與黃門侍郎劉逖友善珽欲求宰相乃疏僕射趙彥

深元文遙及和士開罪狀令逖奏之逖不敢通彥深等

聞之先詣上皇白陳上皇大怒執珽詰之珽因陳士開

等朋黨弄權賣官鬻獄事上皇曰爾乃謗我鞭配甲坊

尋徙光州桎梏置地牢中夜以蕪菁子

詩經疏陸璣曰蕪菁幽州人

或謂之芥為燭眼為所熏由是失明

戊陳光大二年周天和秋七月周隨公楊忠卒

子三年齊天統四年

即隋文帝

為小宮伯

後周置官伯之貳

宇文護欲引以為腹

後世居在是館

卷之四十五

吳

心忠曰。兩姑之間難為婦。汝其勿往。堅乃辭之。至是忠

卒。堅襲爵。

楊堅始見此。

冬十一月壬辰朔日食。

陳安成王頊廢其主伯宗為臨海王而殺始興王伯茂。

字鬱。

之世祖第二子。

始興王伯茂以安成王頊專政不平肆惡言頊遂以太

后令誣陳主云與劉師知華皎等通謀廢為臨海王以

安成王入纂又下令黜伯茂為溫麻

晉縣隋改曰連江今屬福州府。

置諸別館使盜殺之。

齊主湛殂。

先是齊上皇有疾僕射徐之才善醫療之既愈和士開

欲得次遷。乃出之才爲竟州刺史而代之。及是上皇疾復作。驛追之才未至。疾亟。以後事屬和士開。握其手曰。勿負我。遂殂。士開秘喪三日。不發。黃門侍郎馮子琮謂曰。升遐之事。行路皆傳。久而不舉。恐有後變。士開乃發喪。諡上皇曰武成皇帝。廟號世祖。葬永平陵。世祖驕奢淫佚。役繁賦重。吏民苦之。

後世不遠千里

後世不遠千里

卷之四十五

卷之四十五

四

御批歷代通鑑輯覽卷之四十六

南北朝

已陳高宗宣帝項太建元年春正月陳主項立是為宣帝

丑周天和四年齊天統五年陳安成王項既以太后令入纂大統前事具至是遂即帝

位復太皇太后為皇太后皇太后為文皇后立妃柳氏為皇后世子叔寶為太子

二月齊殺其太尉趙郡王叡

初和士開為世祖所親狎出入卧內遂得幸于胡后及

世祖殂齊主深委任之與婁定遠昭之子等俱用事時號

八貴

和士開婁定遠趙彥深元文遙唐邕綦連猛高阿那肱胡長粲八人綦連氏出西方諸部猛字武

兒代人高阿那肱善無太尉趙郡王叡與定遠等皆言

于齊主請出土開太后不可叡復令元文遙入奏齊主

八貴橫行干政士開尤為
罪魁高獻定計出之是也
乃以定遠貪餌墮術事墮
垂成卒致定遠亦斥外獻
且因之以死致齊政日壞
直底滅亡是定遠之罪猶
過於士開耳

及太后召問士開對曰陛下諒聞伊始大臣皆有覬覦
今若出臣正是自翦羽翼宜謂獻等云文遙與臣俱受
先帝任用可並用為州待過山陵然後遣之齊主及太
后乃以士開為兗州刺史葬畢太后欲留士開過百日
俟卒哭也獻不許遂更見太后苦言之先是太后觴朝貴于前殿獻面數士開受
納賄賂穢亂宮掖之罪太后曰且飲酒勿多言獻辭色
愈厲投冠于地拂衣而起及是與太后言太后令酌酒
賜獻獻正色曰論國家太事非為卮酒言訖遽出士開載美女珠簾詣婁定遠
定遠喜士開因謂曰今當遠出願得一辭覲二宮定遠
許之士開由是得見太后及齊主進說曰先帝一旦登
遐臣媿不能自死觀朝貴意勢欲以陛下為乾明廢帝殷年
臣出之後必有大變臣何面目見先帝于地下因慟
號

哭齊主太后皆泣。問計。士開口。臣已得入。復何所慮。正
須數行詔書耳。于是詔出。定遠為青州刺史。責趙王。
獻以不臣之罪。旦日獻將復入諫。妻子咸止之。獻曰。社
稷事重。吾寧死事先皇。不忍見朝廷顛沛。至殿門。又有
人謂曰。入恐有變。獻曰。吾上不負天。死亦無恨。人見太
后。論執彌固。出至永巷。遇兵。執送華林園。拉殺之。獻清
正自守。朝野冤惜之。復以士開為僕射。定遠歸士開所
遺。加以餘珍賂之。

夏四月。齊以高阿那肱為尚書令。韓長鸞名鳳。昌黎人。為領軍。

陸令萱穆提婆之母。為女侍中。穆提婆漢陽人。為開府儀同三司。

祖珽為秘書監。

齊主年少多嬖寵武衛將軍高阿那肱都督韓長鸞素

被親狎

阿那肱以諂佞為世祖所厚多令在東宮侍齊主由是有寵長鸞亦嘗侍衛東宮齊主數喚共

戲最親愛之

阿那肱累遷并省尚書令

晉陽之尚書令也晉陽為并州故云并省

長鸞累遷侍中領軍總知內省機密官婢陸令萱以保

養恩為女侍中引其子提婆入侍齊主朝夕戲狎累遷

開府儀同三司

令萱前坐其夫賂起謀叛配掖庭子提婆亦沒為奴齊主之在強保令萱養之

謂之乾阿嬌令萱巧黠善取媚有寵于胡太后和士開

高阿那肱皆為之養子斛律后之從婢穆舍利有寵于齊主令萱乃為之養母

日令提婆冒姓穆氏然和士開用事最久諸幸臣皆

依附之齊主思祖珽士開亦以珽有膽略欲引為謀主

乃乘舊怨與令萱言于齊主曰三帝之子皆不得立今

至而獨在帝位者祖孝徵之力也其人心計雖薄奇略

出人緩急可使且目已盲必無反心齊主乃召以爲秘書監

秋八月陳廣州刺史歐陽紇反

歐陽紇在廣州十餘年

永定元年紇與父頤定廣州天嘉四年頤卒紇代爲刺史至是

凡十威惠著于百越自華皎叛陳主疑之徵爲左衛將

軍紇懼遂舉兵攻衡州陳主遣徐儉

陵之子

持節諭旨儉

語紇曰呂嘉之事誠當已遠將軍獨不見周迪陳寶應

乎紇默然不應儉還陳主乃遣車騎將軍章昭達

字伯通吳

興武康人討之

冬十二月周陳復通好

庚陳太建二年齊武平寅元年周天和五年

春二月陳人討歐陽紇斬之封陽

洗氏能知大義。洵為不世
中綱。全其子。以太守潛出。
叛人即因母功。賞罪足矣。
乃竟錫之通侯。是何賞罰
哉。

春太守馮僕母洗氏為石龍注見前太夫人。

歐陽紇召陽春太守馮僕至南海。誘與同反。僕遣使告

其母洗夫人。夫人曰。我忠貞兩世。今不仁惜汝而負國

也。遂發兵拒境。帥諸酋長迎章昭達。昭達至始興。紇懼

出頓洹口。水經注。洹水逕含洹縣西。右會漆水。謂之洹口。

縣在今韶州府英德縣。昭達破其水柵。擒紇送建康。斬之。馮僕以

其母功。封信都侯。遷石龍太守。遣使者持節。冊命洗氏

為石龍太夫人。賜以繡幃。安車。鼓吹。麾節。函。簿。如刺史

之儀。

陳遣兵攻梁。周人救之。陳師還。

章昭達攻梁。梁主與周總管陸騰字顯聖。代人。拒之。周人于

陝口南岸築城。橫引大索。編葦爲橋。以度軍糧。昭達爲長戟。施于樓船上。仰割之。索斷糧絕。遂攻其城。下之。梁主告急于周。周使將軍李遷哲字孝彥。安康人。將兵救之。昭達兵不利。引還。

冬十月辛巳朔。日食。

齊以蕭莊爲梁王。

齊復以梁永嘉王莊爲梁王。許以興復。竟不果。及齊亡。

莊憤悵。卒于鄴。

辛陳太建三年。齊武平二年。周天和六年。春正月。齊斛律光及周韋孝寬戰。

于汾北。汾水之北。周師敗績。

先是周勳州刺史韋孝寬請築城于汾北。時周齊爭宜。陽久而不決。

孝寬謂其下曰宜陽一城之地不足損益兩國爭之勞師彌年彼若棄之來圖汾北我必失地宜速于華谷長秋築城以杜其意乃畫地形且圖其狀華谷在山西絳州樓山縣西北今為鎮長秋即漢長修故縣音訛為秋今曰泉掌鎮宇文護不從已而齊斛律光出晉州道在絳州西北

于汾北築華谷龍門二城

今華谷鎮南有故城光所築也龍門城在稷山縣北俗呼

曰古

遂進圍定陽

魏郡隋改文成金為吉州今州隸山西

築南汾城

在今吉州

南以逼之至是光與孝寬戰于汾北孝寬敗光築十三

城于西境馬上以鞭指畫而成拓地五百里

已而周人取齊宜陽

等九城光帥步騎赴之與周師戰于宜陽城下取建安等四戍而還

夏四月戊寅朔日食

六月齊段韶圍周定陽克之獲汾州刺史楊敷

字文衍愔族子

齊段韶圍定陽周汾州刺史楊敷固守不下韶急攻之

楊素在周既陰統隋文而
移周祚在隋又勸立煬帝
以速隋亡真患得患失之
鄙夫顧得云無心富貴邪

曰此城三面重澗皆無走路唯慮東南一道耳乃令壯

士千餘人伏于東南澗口城中糧盡敕走伏兵擒之

遂取汾州敷至郡不肅未幾亡其王素以父守節小蒙

言曰臣事無道天子死其分也周上壯其言贈敷大將軍

蓋曰忠壯素少多才藝及是漸見禮遇命為詔書下

秋七月齊琅邪王儼殺和士開九月齊主殺儼

和士開威權日甚朝士無恥者或為之假子士開患傷

一士人往參請先嘗之一飲而盡寒醫云應服黃龍湯士開有難色適

縱琅邪王儼意甚不平二人忌之出儼居北宮時儼猶

帶中丞士開等又欲出之于外治書侍御史王子宜說

儼曰殿下被疏正由士開問搆何可出北宮也儼謂侍

中馮子琮曰。士開罪重。殺之何如。子琮心欲廢齊主而立儼。因勸成之。儼令子宜彈士開罪。請禁推。收禁而推鞠之也。

子琮雜他文書奏之。齊主可之。儼誑領軍庫狄伏連。使收士開送臺。儼斬之。儼黨因逼儼帥軍士三千人屯千秋門。

齊主使劉桃枝召儼。儼欲誘陸令萱而殺之。因對

曰。尊兄若赦臣。請令姊姊來迎。姊姊謂令萱也。齊諸王皆呼嫡

母爲家家。乳母爲姊妹。婦爲姊妹。令萱聞之。戰栗。齊主乃急召斛律光。

光聞儼殺士開。撫掌大笑曰。龍子所爲。固自不似凡人。

人見齊主。齊主帥宿衛者受甲。將出戰。光曰。小兒輩弄

兵。與交手卽亂。鄙諺云。奴見大家。臣妾呼天子曰大家。心死。至暮

宜自至千秋門。琅邪必不敢動。齊主從之。光步道。使人

走出曰。大家來。儼徒駭散。光就儼執其手。彊引以前。請于齊主曰。琅邪王年少。腸肥脂滿。輕爲舉措。稍長自不然。願寬其罪。齊主拔刀。鑲築其辨頭。良久乃釋之。收市連王子宜等。支解之。太后責儼。儼曰。馮子琮教兒。太后遂殺子琮。已而陸令萱說齊主曰。人稱琅邪聰明雄勇。當今無敵。觀其相表。殆非人臣。自專殺以來。常懷恐懼。宜早爲之計。齊主未決。以問侍中祖珽。珽稱周公誅管叔。季友酖慶父。齊主乃攜儼之晉陽。使劉桃枝拉殺之。時儼年十四。遺腹四男。皆幽死。既而贈儼楚恭哀帝。以慰太后心。

冬十月。齊主幽其太后胡氏于北宮。

齊胡太后出入不節。與沙門統曇獻通。齊主聞而未之

珽少無行檢既召還而怙終尤甚援元魏弊政以售其諛附之說忘廉鮮恥自以固寵梯榮爲得計不踰時而下牀之譖陷卽隨之謫死北徐身名遺臭小人之炯鑒若此向後世猶有黨客媼以求媚者哉

信。後朝太后見二尼悅而召之。乃男子也。于是曇獻事亦發。皆伏誅。遂幽太后于北宮。太后或爲齊主設食。齊主亦不敢嘗。

壬辰。陳太建四年。齊武平三年。周建德元年。春二月。齊祖珽爲左僕射。

胡太后旣幽北宮。珽引魏保太后故事。魏太武帝始光初尊保母竇氏

爲保太后。欲立陸令萱爲太后。且謂人曰。陸雖婦人。然實雄傑。女媧以來。未之有也。令萱亦謂珽爲國師。由此得左

僕射。

三月癸卯朔日食。

周主討其太師宇文護殺之。

初。周太祖爲姚相。立左右十二軍。總屬相府。太祖殂。皆

受晉公護處分。護第兵衛盛于宮闕。諸子僚屬皆貪殘恣橫。士民患之。周主深自晦匿。無所關預。人不測其淺深。衛公直有怨于護。勸周主誅之。周主乃密與直及右宮伯後周有左右宮伯中大夫宇文神舉太祖族子內史周官。後周倣制。下大夫王軌太原人。右侍官。侍御置。上士宇文孝伯字胡三。深之子。謀之。周主每于禁中見護。常行家人禮。至是。引護入謁太后。謂曰。太后好飲。屢諫不納。因出懷中酒誥授之。曰。願兄以此入諫。護入讀未畢。周主以玉珽禮記。天子搢珽。鄭康成曰。珽亦笏也。自後擊之。護踣于地。直出斬之。石宮伯長孫覽字休因紹遠等收護子弟親黨殺之。初。字文孝伯與周主同日生。太祖愛而養之。幼與周主同學。及即位。欲引致左右。託言欲與講習。故護弗之疑。孝伯爲人。沉正忠諫。朝政得失。外間細事。無不

以聞至是。以為車騎大將軍。護之未敗也。問稍伯大夫。庾季才曰。比日天道何如。對曰。頃上至有變。公宜歸政。請老。護遂疎之。及護誅。周主閱其書記。得季才書兩紙。盛言緯候災祥。宜返政歸權。周主命賜粟帛。遷太中大夫。稍伯後周官。蓋周官稍人之職。庾季才字叔爽。新野人。仕梁。江陵陷。入長安。

周主親政。以其弟齊公憲為大冢宰。衛公直為大司徒。

周主始親政。頗事威刑。雖骨肉無所寬借。齊公憲雖遷

冢宰。實奪之權。又謂憲侍讀裴文舉曰。昔魏末不綱。太祖

習生常。愚者謂法應如是。卿雖陪侍齊公。不得遽同為

臣。欲死于所事。宜輔以正道。勸以義方。輯睦我君臣。協

和我兄弟。勿令自致嫌疑。文舉咸以白憲。憲指心撫几

曰。吾之夙心。公寧不知。但當盡忠竭節耳。知復何言。

裴文舉字道裕。開喜人。衛公直。性浮詭貪狠。意望大冢宰。既不得。

殊怏怏。更請為大司馬。欲據兵權。周主揣知其意。曰。汝

兄弟長幼有序。豈可返居下列。由是用為大司徒。

夏六月齊主殺其左丞相咸陽王斛律光以祖珽知騎兵外兵事。

祖珽勢傾朝野斛律光惡之謂諸將曰邊境消息共馬處分盲人全不與吾輩語恐誤國事珽覺之私賂光從奴問之奴曰自公用事相王每夜抱膝歎曰盲人入國必破矣穆提婆求娶光庶女不許齊主賜提婆晉陽田光言于朝曰此田神武以來常種禾飼馬以擬寇敵今賜提婆無乃闕軍務乎由是祖穆皆怨之斛律后無寵珽因而間之光弟羨爲幽州刺史亦善治兵突厥畏之謂之南可汗光雖貴極人臣性節儉不好聲色杜絕饋餉不貪權勢行兵效其父金之法嘗爲士卒先士卒有罪唯大杖撻背未嘗妄殺衆皆爭爲之死結髮從軍未嘗敗北深爲隣敵所憚周韋孝

斛律光在齊不帝如南朝之倚道濟然使隣國得以行反問者亦因蕭繹同器讒說交傾且紫陌駐營猜嫌久蓄物必先腐而後鼎生信哉

寬密爲謠言曰百升飛上天。明月照長安。又曰高山不推自崩。斛木不扶自舉。令謀傳之于鄴。珽因續之曰。盲老公背受大斧。饒舌老母不得語。使其妻兄鄭道蓋奏之。珽與陸令萱因解之曰。百升者斛也。盲老公謂珽饒舌老母似謂陸氏也。且斛律累世大將。明月光之字聲震關西。豐樂羨之字威行突厥。女爲皇后。男尚公主。謠言甚可畏也。齊主以問韓長鸞。長鸞以爲不可。事遂寢。會丞相府佐封士讓密啓云。光前西討。還逼帝城。將行不軌。先是光自宜陽還。未至鄴。齊主救使散兵。光以軍士未得慰勞。表請遣使宣旨。遂至紫陌駐營。齊主惡之。故士讓以此爲言。家藏弩甲。僮奴千數。若不早圖。恐事不可測。齊主召珽告之。珽請遣使賜以駿馬。光必入謝。因而執之。齊主如其言。光入至

涼風堂。劉桃枝自後撲之不仆。顧曰：「桃枝常為如此事。我不負國家。」桃枝與三力士拉殺之，血流于地，剡之迹。

終不滅。于是下詔稱其欲反，并殺其二子。

琕使二千石郎邢祖信簿

錄光家得弓十五、宴射箭百、刀七、賜稍二。琕問更得何物。祖信曰：「得棗杖二十束。」擬奴與人鬪者，不問曲直，即杖之。

百。琕大慙，及出人尤其所直。祖信慨然曰：「賢宰相尚死，我何惜餘生！」遣中領軍賀拔

伏恩乘驛捕琕，至幽州門者，自使人衷甲，馬有汗，宜閉

城門。琕曰：「敕使豈可拒也！」出見之，伏恩執而殺之。及其

五子。琕自是專主機衡，總知騎兵外兵事。齊主常令中

要人扶侍出入，每同御榻，論決政事。

周主聞光死，為赦其境內。八月，齊廢

斛律后為庶人。

秋九月庚子朔，日食。

冬十月齊立昭儀穆氏

卽穆舍利

爲右后

先是齊斛律后廢齊主立昭儀胡氏爲后

后胡太后兄女也太后自

愧失德求悅于齊主先飾后置宮中令齊主見之齊主

果悅納爲昭儀及斛律后廢陸令萱欲立穆夫人太后

卑辭厚禮以求令萱結爲姊妹令萱未幾胡后寵衰令

不得已乃與祖珽白齊主后遂得立

使人行厭蠱之術胡后遂精神恍惚言笑無恒齊主惡

之令萱一旦忽以后服被穆昭儀坐之帳中謂齊主曰

如此人不作皇

后遣何物人作齊主乃立穆氏爲右皇后以胡氏爲左

皇后已而令萱譖胡氏于太后太后大怒呼胡

氏立剃其髮送還家尋以穆氏爲皇后

突厥木杆可汗死弟佗鉢可汗立又分立東西二可汗

木杆捨其子大邏便而立其弟是爲佗鉢可汗分立爾

伏可汗統東面步離可汗統西面周人與之和親歲給

繒絮錦綵十萬齊亦厚賂之佗鉢益驕謂其下曰但使

我在南。兩兒常孝。何憂于貧。

阿史那后無龍于周主。神武公寶毅。尚襄陽公主。生

女尚幼。密言于周主曰。今齊陳鼎峙。突厥方彊。願舅抑請慰撫。以生民為念。周主深納之。寶毅。字天武。城兄

子。女即唐

高祖之后。

齊

陳太建五年。齊武平四年。周建德二年。

春正月。齊以高阿那肱錄尚書事。

阿那肱與穆提婆。韓長鸞。共處衡軸。號曰三貴。蠹國害

民。日月滋甚。長鸞尤疾士人。朝夕惟事譖訴。常帶刀走

馬。瞋目張拳。有噉人之勢。朝士客事。莫敢仰視。

齊置文林館。

齊主頗好文學。祖斑奏置文林館。以侍郎李德林

字公輔。博

陵安平人。

顏之推

字介。琅邪臨沂人。

同判館事。共撰修文殿御覽。

夏四月。陳將軍吳明徹將兵擊齊。取江北數郡。

陳主謀伐齊。公卿各有異同。唯鎮前將軍吳明徹決策

請行。陳主謂公卿曰。朕意已決。可舉元帥。衆議以中權

將軍

梁置四中將軍班四征上

淳于量

字思明濟北人

位重。共署推之。僕射

徐陵獨曰。吳明徹家在淮左。悉彼風俗。將畧人才。當今

亦無過者。尚書裴忌曰。臣同徐僕射。陵應聲曰。裴忌亦

良副也。遂以明徹都督征討。忌監軍事。統衆伐齊。明徹

出秦郡

注見前

都督黃蘧

字仲昭巴山新

出歷陽。齊遣

軍救歷陽。蘧擊破之。又遣開府儀同三司尉破胡救

秦州

趙彥深私問計于秘書監源文宗。文宗曰。朝廷精

破胡

人。品王之所知。敗績之事。匪朝伊夕。莫若專委王

琳

招募淮南三四萬人。風俗相通。能得死力。兼命舊將

將之。屯于淮北。足以固守。日琳之于項。必不肯北面事

之明矣。若不推赤心于琳。更遣餘人掣肘。復成速禍。彌

不可爲。彥深歎曰。此策誠足制勝爭之十日。已不見從。時事至此。安可盡言。因相顧流涕。源文宗名彪。以字

行子恭之子。趙彥深封齊師選長大有膂力者爲前隊。宜陽王以文宗稱爲王號蒼頭犀角大力。其鋒甚銳。又有西域胡善射。弦無虛

發。陳軍尤憚之。將戰。吳明徹謂巴山太守蕭摩訶曰。若

殪此胡。則彼軍奪氣矣。摩訶曰。當爲公取之。明徹乃召

降人有識胡者。使指示之。自酌酒以飲摩訶。摩訶飲畢。

馳馬衝齊軍。胡挺身出陳。彀弓未發。摩訶擲銑小鑿也。銑

蘇典反。銑。池典反。中其額。應手而仆。大力十餘人出戰。摩訶又

斬之。于是齊軍大敗。破胡之出師也。王琳謂曰。吳兵甚

銳。宜以長策制之。慎勿輕鬪。破胡不從而敗。齊乃使琳

赴壽陽。召募以拒陳。于是瓦梁。北齊郡。今日瓦梁壘。在江寧府六合縣西。廬

江歷陽合肥

注俱見前

皆降于陳。彣禁侵掠，撫戍卒，與之

盟而縱之。高唐

梁郡，隋改縣曰宿松，今屬安慶府。

齊昌

注見前。

瓜步胡擊

俱在今

等城，亦降于陳。

已而陳又克齊，潁口及巴、青州、漢陽府黃陂縣古潁水入江之口，巴州北齊以西陽郡置，故城在今黃州府黃岡縣，餘注俱見前。

五月，齊以祖珽為北徐州

魏置，齊移治琅邪，今山東沂州府是。

刺史。

珽既執政，頗欲黜諸閹豎及羣小輩。陸令萱、穆提婆議

頗同異。珽乃諷中丞麗伯律

麗，姓，伯律，名。

令劾主書

魏置，中書屬。

王子冲納賂，事連提婆，欲因此并生。及令萱、令萱聞而

懷怒，釋子冲不問。珽由是日益疎。諸宦者更共譖之。齊

主以問令萱，令萱下牀拜曰：「老婢應死，孝徵大是奸臣。」

人實難知。齊主令韓長鸞檢案，得其詐出，受賜偽出恩救

以爲受賜等十餘事。齊主以嘗與重誓，故不殺，出刺北徐州。
珽至州，會有陳師。州人多叛，應之。穆提婆欲令城陷，不遣援兵。珽且戰且守，叛者散退，尋死于州。

齊主殺其蘭陵王長恭

齊蘭陵王長恭，貌美而勇，以邳山之捷。齊敗周師于洛陽，長恭爲中軍。

事具前。威名大盛，武士歌之，爲蘭陵王入陳曲。杜佑曰：作此舞以效

其指麾擊刺之容。齊主忌之，其所親尉相願。代人，標謂曰：朝廷

忌王，宜屬疾在家，勿預時事。長恭然之，而未能退及江

淮，用兵恐復爲將，有疾不療。齊主酖殺之。

秋八月，周太子贇郎宣納妃楊氏。劉友益曰：此著隋篡之始。

妃，隨公堅之女也。太子好昵近小人。左宮正宇文孝伯言于周主曰：皇太子春秋尚少，志業

未成，請妙選正人，爲其師友，調護聖質，如或不然，悔無及矣。周主斂容曰：正人豈復過卿，乃以尉遲運爲右官

正。周主嘗問萬年丞樂運曰：「太子何如人？」對曰：「中人。」周主顧謂齊公憲曰：「百官佞我，唯運所言乃忠直耳。」因問運中人之狀。對曰：「如齊桓公是也。」管仲相之，則霸；豎貂輔之，則亂。可與為善，可與為惡。周主曰：「我知之矣。」乃妙選宮官以輔之。太子不悅。尉遲運，迴弟綱之子。樂運，字承業，南陽涇陽人。

陳師攻齊壽陽，克之，殺其刺史王琳，遂取齊昌。徐州，北魏東徐

州也。治下邳。亦曰南徐州。下邳，注見前。等城。

吳明徹攻壽陽，堰肥水以灌城。城中多病腫泄，死者什

六七。齊皮景和，琅邪下邳人。等救壽陽，眾數十萬，去壽陽三

十里，頓軍不進。陳諸將以堅城未拔，大援在近，皆懼。明

徹曰：「兵貴神速，而彼結營不進，自挫其鋒，其不敢戰明

矣。」乃疾攻，一鼓拔之，擒王琳等，送建康。琳素得將士心，

齊人亦重其忠義，及被擒，麾下在明徹軍見者皆歔歔。

不能仰視爭為請命及致給資明徹恐其為變遣使追

斬之哭者聲如雷有一髮以酒脯來祭哭盡哀齊主聞

壽陽陷頗以為憂穆提婆等曰假使國家盡失黃河以

南猶可作一龜茲國更可憐人生如寄唯當行樂何用

愁為左右嬖臣因共贊和之齊主即大喜酣飲鼓舞以

皮景和全軍而還賞之陳以明徹為車騎大將軍豫州

刺史陳主置酒舉杯屬徐陵曰賞卿知人陵避席曰定

策聖衷非臣力也遂克齊昌前已請降今復取之淮陰見前

濟陰東魏僑郡故城在今泗州盱眙縣濟南徐州胡三省注濟當作齊

口之等城陳懸王琳首于建康市故吏朱瑒致書徐陵

請許其葬陳主許之瑒瘞琳于八公山側義故會葬者數千人尋有壽陽人茅智勝等密

送其柩于鄴。齊贈開府儀同三司諡曰忠武。給輜輶車以葬之。義故胡三省注。故舊以義結者。

甲陳太建六年。齊武平五年。周建德三年。春正月。周詔齊公憲等皆進爵爲

王。二月壬午朔日食。

三月周太后叱奴氏殂。

周叱奴太后殂。周主居倚廬。朝夕進一溢米。羣臣表請累旬乃止。及葬。周主跣行至陵所。詔曰。三年之喪。達于天子。但軍國務重。須自聽朝。衰麻之節。苦廬之禮。率遵前典。以申罔極。百僚宜依遺令。既葬而除。公卿固請依權制。周主不許。卒申三年之制。五服之內。亦令依禮。先是衛王直譖齊王憲言其喪次飲酒食肉。無異平日。周主曰。吾與齊王異生。俱非正嫡。特以吾故。同袒括髮。汝親

太后之子。時承慈愛。但當自勉。何論他人。及既葬。周主如雲陽。直以怨憤。遂與其黨作亂。尉遲運擊敗之。伏誅。

夏五月。周廢佛道教。毀淫祠。

初。周主定三教先後。以儒為先。道為次。釋為後。至是。遂

禁佛道。二教經像悉毀。沙門道士並還俗。諸淫祠非祀

典所載者。悉除之。尋立通道觀。以壹聖賢之教。

冬十二月。陳以孔奐為吏部尚書。

時新復淮泗。攻戰降附。功賞紛紜。兵識見精敏。不受請

託事。無疑滯。人皆悅服。

齊殺其南陽王綽。字世通。世祖之子。

綽刺定州。喜為殘虐。嘗見婦人抱兒。取以飼狗。復以兒血塗婦人。縱狗食之。齊主

鎖詣行在。至而宥之。齊主問綽在州何事。最樂對曰。聚蠟于器。置狙其中。觀之極樂。齊主

綽既以殘虐。連繫有之。已為失刑。及聞其聚蠟置狙。

為樂尤而效之裸人恣螫以供娛樂天性慘毒非復人類矣高歡積世濟惡遺孽固應日下其父殺人報仇其子必且行劫洵不爽也

即命索蠍置浴斛使人裸卧斛中號叫宛轉齊主與綽臨觀喜噓不已因讓之曰如此樂事何不早馳驛奏聞由是拜大將軍韓長鸞疾之使人誣告其反殺之

乙陳太建七年齊武平未六年周建德四年春二月丙戌朔日食

三月周使開府儀同三司伊婁謙伊婁魏十姓之一謙字彥恭鮮卑人如齊

齊人留之

齊主承世祖奢泰之餘後宮皆寶衣玉食競為新巧先

胡后造珠裙袴所費不可勝計為火所焚尋復為穆后營之既而穆后寵衰其侍婢馮小憐大幸拜為淑妃坐則同席出則並馬其同生死盛修宮苑窮極壯麗所好不常數毀又

復每有災異寇盜不自貶損唯多設齋以為修德好自

芭為無愁之曲民間謂之無愁天子華林園立貧兒村自衣藍縷之服行乞其間以為樂陸令萱

穆提婆高阿那肱韓長鸞等宰制朝政宦官鄧長顓陳

德信等並參預機權官由財進獄以賄成舊蒼頭劉桃枝等皆開府

封王其餘歌舞人見鬼人等濫得富貴者殆將萬數庶姓封王者以百數開府千餘人儀同無數乃至狗馬及

鷹亦有儀同郡君之號皆食一戲之賞動踰巨萬既而其祿見鬼人巫覡輩也

府藏空竭乃賜郡縣使賣官取直由是為守令者率皆

商賈競為貪縱民不聊生周主謀伐之韋孝寬上疏陳

三策其一曰齊自長淮之南悉為陳氏所取內離外叛計盡力窮大軍若出軹關方軌而進兼與陳氏共

為犄角并令廣州義旅出自三鵠又募山南驍銳沿河而下復遣北山稽胡絕其并晉之路百道俱進並趨虜

庭必當望旗奔潰所向摧殄其二曰若國家更為後圖未即大舉宜與陳人分其兵勢三鵠以北萬春以南廣

事屯田預為貯積募其驍悍立為部伍彼既東南有敵戎馬相持我出奇兵破其疆場彼若與師赴援我則堅

壁清野待其去遠還復出師常以邊外之軍引其腹心之衆我無宿春之費彼有奔命之勞一二年中必自離

叛且齊氏淫暴政出多門鬻獄賣官忌害忠直闔境嗷然覆亡可待乘間電掃事等摧枯其三曰若欲更存遵

養且復相時則宜還崇鄰好申其盟約安民和衆通商惠工蓄銳養威觀釁而動斯乃長策遠馭坐自兼并也

三鵠卽魯陽關在今河南南陽府南召縣東北與汝州魯山縣界萬春周齊分界處唐于此置縣故城在今

山西絳州河津縣書奏周主引開府儀同三司伊婁謙入內殿

從容謂曰朕欲用兵何者爲先對曰齊氏沉溺倡優耽昏麴蘖其折衝之將斛律明月已斃于讒口上下離心道路以目此易取也乃使謙聘于齊以觀釁其叅軍高遵以情告齊人齊人留謙等不遣

夏四月陳焚文錦于雲龍門

陳監豫州陳桃根得青牛以獻陳主還之又表上織成羅文錦被詔于雲龍門外焚之

秋七月周主伐齊克河陰本漢平陰縣三國魏更名隋省故城在今河南府孟津縣攻

錦繡纂組之害女紅漢景詔最得抑末崇本之要必舉而焚諸門外則近於矯飾好名天下之錦豈可盡焚哉上不以誠感而望下以誠應其可得乎

金墉不克而還

周主下詔伐齊。帥衆六萬。直指河陰。八月。入齊境。禁伐

樹踐稼。犯者皆斬。攻河陽大城。拔之。齊王憲進圍洛口。

舊洛水入河之口。在河南府鞏縣南。有城。拔二城。焚浮橋。齊都督傅伏。

大。安。府。武。陟。縣。西。夜入中渾城。

城。北。城。中。渾。城。是。也。周人圍之。不下。洛州刺史獨孤永業。

字。世。基。守。金。墉。周。主。攻。之。不。克。

永。業。通。夜。辦。馬。槽。二。千。周。人。九。月。周。主。有。疾。夜。引。兵。還。傅。伏。謂。行。臺。乞。伏。貴。和。曰。周。師。

疲。弊。願。得。精。騎。二。千。追。擊。之。可。破。也。貴。和。不。許。齊。王。憲。

等。降。拔。三。十。餘。城。皆。棄。不。守。

冬十二月辛亥朔日食

丙陳太建八年。齊隆化申元年。周建德五年。春二月。周遣其太子贊伐吐谷渾。

周主命太子巡撫西土。因伐吐谷渾。大將軍王軌。宮正

宇文孝伯從行。至伏侯城。注見前。而還。太子在軍多失德。

宮尹鄭譯。字正儀。儼兄子。王端等皆有寵。軍還。軌等言之。周主

怒。杖太子。除譯等名。已而太子復召譯。戲狎如初。

夏六月戊申朔。日食。

陳太子詹事江總免。

初。陳太子叔寶欲以江總爲詹事。孔奐曰。江有潘陸之華。而無園綺之實。不可。太子深以爲恨。自言于陳主。將許之。奐奏曰。江總文華之士。太子文華不少。豈藉于總。願選敦重之才。以居輔導之職。陳主曰。然則誰可者。奐

父名泰即不宜為太子詹
事與韓愈諱辯所譏無异
叔寶支辭停理陳宣聽之
何耶

曰。王廓世有懿德。識性敦敏。可以居之。太子時在側。曰。

廓父名泰。

字仲通。僧虔之孫。

不宜為太子詹事。與曰。范曄。即范

泰之子。亦為太子詹事。太子固爭。陳主從之。總遂與太

子為長夜之飲。養良娣陳氏為女。太子亟微行遊總家。

陳主怒。免總官。

冬。周主復伐齊。齊主大敗。走晉陽。遂奔鄴。晉陽人立安德。

王延宗。

文襄第五子。

以守。周主拔而執之。

周主謂羣臣曰。前入齊境。見其行師。殆同兒戲。况其朝

廷昏亂。政由羣小。百姓嗷然。朝不謀夕。天與不取。恐貽

後悔。晉州高歡所起之地。鎮攝要重。今往攻之。彼必來

援。吾嚴軍以待。擊之必克。然後乘破竹之勢。鼓行而東。

足以窮其巢穴。混同文軌矣。于是自將伐齊。至晉州。遣

內史王誼

字宜君。洛陽人。

監諸軍。攻平陽城。降之。齊兵大潰。遂

克晉州。齊主方與馮淑妃獵于天池。

在今忻州靜樂縣西南。唐于此置縣。

宋省。告急者三至。丞相高阿那肱曰。大家正為樂。邊鄙小

事。何急奏聞。至暮使至。則平陽已陷矣。齊主將還。妃請

更殺一圍。從之。十一月。白帥大軍至平陽。聲勢甚盛。周

主欲避其鋒。以梁士彥

字相如。安定烏氏人。

為晉州刺史而還。齊

師遂圍平陽。晝夜攻之不克。

齊人作地道攻平陽。城陷。十餘步。將士乘勢欲入。齊

主敕且止。召馮淑妃觀之。淑妃耕點。不時至。周人以木拒塞之。城遂不下。

周主還長安。明日。

下詔復伐齊。十二月。至平陽。置陳二十餘里。齊兵陳于

城南塹北。自旦至申。相持不決。齊高阿那肱曰。吾兵雖

多。堪戰者少。不如勿戰。却守高粱橋。在平陽府東北。高粱城下。齊主

意未決。諸內參曰。彼亦天子。我亦天子。彼尚能遠來。我

何爲守塹示弱。齊主曰。此言是也。于是填塹南引。周主

大喜。勒諸軍擊之。兵纔合。齊主與馮淑妃並騎觀戰。東

偏少却。淑妃怖曰。軍敗矣。穆提婆曰。大家去。大家去。齊

主遂以淑妃北走。齊師大潰。安德王延宗獨全軍而還。

齊主至洪洞。淑妃方以粉鏡自玩。後聲亂。唱賊至。于是復走。先是齊主以淑妃爲有功。將立爲左皇后。遣內參

詣晉陽取禕翟等。至是遇于中途。齊主爲按轡。命淑妃著之。然後去。洪洞。北齊鎮。隋爲縣。今屬平陽府。周

主入平陽。遂帥諸將追齊師。齊主欲自晉陽向北朔州。

注見前。以安德王延宗爲并州刺史。謂曰。并州兄自取之。

兒今去矣。延宗曰。陛下爲社稷勿動。臣爲陛下出死力。

戰必能破之。穆提婆曰：至尊計已成，王不得輒沮。齊主

乃夜斬五龍門而出，欲奔突厥。從官多散，乃回向鄴。

穆提

婆西奔周軍。陸令萱自殺。周主以提婆爲柱國。詔諭齊臣曰：若達天命，官爵有加。自是降者相繼。并州

將帥請于延宗曰：王不爲天子，諸人實不能爲王出死

力。延宗不得已，遂卽位。衆聞之不召而至者，前後相屬。

延宗發府藏及後宮以賜將士。見士卒皆親執手稱名。流涕嗚咽。衆爭爲死。童兒女子亦乘屋攘袂投磚石以

禦。周主至晉陽，延宗身自拒戰，勁捷若飛，所向無前。周

主攻其東門，延宗擊之，死者二千餘人。周主左右畧盡。

齊人奮擊，幾中之，僅得免。時已四更，齊人旣捷，飲酒醉

卧。延宗不復能整。周主乃駐馬鳴角收兵。俄頃復振，明

旦還攻東門，克之。延宗力屈被擒。周主下馬執其手曰：

兩國非有怨惡直為百姓來耳終不相害勿怖也使復

衣帽而禮之于是大赦削齊亂制收禮文武齊主入鄴廣寧王孝

珩請使任城王浩將幽州兵趣并州獨孤永業將洛州兵趣長安自將京畿兵鼓行逆戰斛律孝卿請齊主親

勞將士為之撰辭且曰宜慨流涕以感激人心齊主既出不復記所受言遂大笑左右亦笑將士皆怒無復

戰心行臺僕射高勣將兵衛太后太子還鄴謂齊主曰今之叛者多是貴人至于卒伍猶未離心且王師頻北

賊徒輕我今背城一決理必破之齊主不能用廣寧王孝珩文襄第二子任城王浩高祖第十子高勣字敬

德清河王岳子斛律孝卿太安人羌舉之子

丁陳太建九年齊幼主恒承光元年周建德六年春齊主

西是歲齊亡陳周二大國後梁一小國凡三國緯傳位于太子恒周師圍鄴緯出走周主入鄴齊高阿那

肱引周師追緯及恒獲之遂滅齊北齊自顯祖至後主亡凡五主共二十八年

齊望氣者言當有革易齊王引高元海等議禪位太子

安生既號通經。豈其未聞大義。固破而掃門。以待異姓。綱常之謂何。安車駟馬之賜。上下蓋而失之。

于是太子恒卽位。生八年矣。齊主緯自爲太上皇帝。廣

寧王孝珩求拒周師。高韓恐其爲變。出孝珩爲滄州刺

史。領軍尉相願拔佩刀斫柱。歎曰。大事去矣。知復何言。

周師至鄴。圍之。齊人出戰。大敗。緯從百騎東走。周師入

鄴。齊王公以下皆降。留守大將軍慕容三藏紹宗之子猶拒

戰。周主引見。禮之。周主先以馬腦酒鍾遺齊將鮮于世

榮。漁陽人世榮碎之。至是在三臺前。鳴鼓不輟。周人執之。

世榮不屈。乃殺之。周主使將軍尉遲勤代人。綱追齊主。

齊國子博士熊安生。博通五經。聞周主入鄴。遽令掃門。

齊家人曰。周帝重道尊儒。必將見我。俄而周主幸其家。

不聽拜。親執其手。引與同坐。賞賜甚厚。給安車駟馬。以

自隨。又遣侍臣就中書侍郎李德林宅。慰諭之。引入宮。

訪以齊事。熊安生。字植之。長樂阜城人。緯留胡太后于濟州。使高阿那肱

守關。卽碣關。注見前。自與穆后、馮妃、幼主恒、韓長鸞等數十

人奔青州。欲入陳。而高阿那肱密召周師。約生致齊主。

屢啓云。周師尚遠。已令燒斷橋路。緯由是淹留。自寬。周

師至關。阿那肱卽降之。周師奄至青州。緯囊金繫鞍後。

與后妃幼主等十餘騎南走。尉遲勤追及。盡擒之。并胡

太后送鄴。周主詔故斛律光等。宜追加贈諡。并爲改葬。

子孫隨蔭敘錄。田宅沒官者還之。指斛律光名曰。此人

在。朕安得至此。高緯至鄴。周主降階。以賓禮見之。周主

安置緯于前。列其王公等于後。備大駕。布六軍。奏凱樂。

獻俘于太廟。觀者皆稱萬歲。封緯爲溫公。周主與齊君

臣飲酒。令緯起舞。高延宗悲不自持。屢欲仰藥。其侍婢

禁止之。旣而周人誣緯與穆提婆謀反。并其宗族皆賜

死。衆人多自辯理。延宗獨攘袂泣而不言。以椒塞口而死。

二月齊廣寧王孝珩任城王潛起兵信都周齊王憲伐而執之。

齊廣寧王孝珩以五千人會任城王潛于信都共謀匡復周主使齊王憲柱國楊堅擊之至信都潛所署領軍

尉相願以衆降潛遂戰敗與孝珩俱被執。

憲謂潛曰任城王何苦至

傳伏始拒周人之招慷慨自誓若確乎不可屈撓者及聞齊主成擒而幡然改節拜爵不辭與所稱有死無二母乃相戾以忠孝責子之言豈非虛哉

此潛曰下官神武皇帝之子兄弟十五人幸而獨存逢宗社顛覆今日得死無愧墳陵憲壯之命歸其妻子又親爲孝珩洗瘡傳藥禮遇甚厚先是齊洛州刺史獨孤永業有甲士三萬聞晉州陷請出兵擊周奏寢不報永業慨憤及聞并州陷乃降周東雍州行臺傳伏不周主遣韋孝寬招之令其子以上大將軍武鄉公告身賜伏伏不受謂孝寬曰事君有死無二此兒爲臣不能竭忠爲子不能盡孝願速斬之以令天下周主又遣高阿那肱召伏伏知齊主已被擒仰天大哭然後出降周主謂曰何不早降伏流涕對曰臣三世爲齊臣不能自死羞見大地周主執其手曰爲臣當如此乃以所食羊脯膏賜伏曰骨親肉疎所以相付遂授上儀同大將軍

東雍州魏置今山西絳州是

梁主朝周于鄴

自秦兼天下無朝覲之禮至是周始命有司草具其事

致積

子賜反饋之芻米也

致餼

饗餼也熟曰饗腥曰餼

設九賓

主副也

九介

賓副

也受享于廟

享獻之禮于廟受之

三公三孤六卿致食

音嗣餼賓及其從

勞賓

慰問之也

還贊

執圭為贊既見還之

致享

享燕也

皆如古禮

周詔舉山東明經幹治者

周主西還詔山東諸州各舉明經幹治者一人若奇才

異術卓爾不羣者不拘此數

已而周主以李德林為內史上士詔誥格式及用山

東人物並以委之

夏五月周主毀其宮室之壯麗者

周主詔以路寢會義諸殿皆晉公護專政時所爲事窮壯麗有踰清廟可悉毀撤彫斲之物並賜貧民繕造之宜務從卑朴并鄴諸堂殿壯麗者準此又制庶人以上絲布圓綾紗絹綃葛布等九種餘悉禁之朝祭之服不拘此制周主性節儉常服布袍寢布被後宮唯置妃二人世婦三人御妻三人此外皆減之

秋八月周定權衡度量

詔頒之四方又行刑書要制羣盜贓一匹及正長

五家爲保

有長保五隱五丁若地頃以上皆死時鄭州獲九尾狐爲閭有正日瑞應之來必彰有德今已死獻其骨周主無其時恐非實錄詔焚之

冬十月陳司空吳明徹侵周圍彭城

陳主聞周人滅齊欲爭徐兗詔吳明徹督諸軍北伐至

呂梁注見前周徐州總管梁士彥帥眾拒戰明徹擊破之。

士彥嬰城自守明徹圍之。陳主銳意以爲河南指麾可定。蔡景歷諫曰師老將驕不

宜過窮遠畧。陳主怒以爲沮眾免官削爵土。

十一月己亥晦日食。

十二月齊范陽王高紹義顯祖第三子稱帝于北邊。

先是齊亡。范陽王紹義至馬邑。北朔州治肆州以北皆應之。

紹義引兵欲南取并州。至新興而肆州已爲周守。遂奔

突厥。作鉢可汗甚愛重紹義。凡營州魏置治和龍。注見前。刺史

高寶寧。齊之疎屬。久鎮和龍。甚得夷夏之心。鄴都旣陷。

周主遣使招之。不應。至是寶寧上表勸進于紹義。紹義

遂稱帝。改元武平。以寶寧爲丞相。突厥舉兵助之。已而幽州人盧昌期

據范陽迎紹義。紹義引突厥兵赴之。周東平公宇文神舉擒斬昌期。紹義還入突厥。寶寧救范陽未至。聞昌期死。還據和龍。紹義後爲突厥所誘。執送周人。從死蜀中。

戊陳太建十年。周宣帝贊宣政元年。春二月。周大將軍王軌救彭城。獲陳

將吳明徹。

吳明徹圍周彭城。環列舟艦。攻之甚急。周遣王軌救之。

軌引兵輕行據淮口。結長圍。以鐵鎖貫車輪數百。沈之

清水。

卽泗水。

以遏陳船歸路。軍中恐懼。蕭摩訶言于明徹

曰。聞王軌始鎖下流。其兩端築城未立。請往擊之。不然。

吾屬皆爲虜矣。明徹奮髯曰。搴旗陷陳。將軍事也。長算

遠畧。老夫事也。摩訶失色而退。一旬之間。水路遂斷。周

兵益至。明徹苦背疾。摩訶復請曰。今求戰不得。進退無

兵薄壁城而敵人遏其歸路。急則可解。緩則腹背受困。理勢判然。明徹曾無成見。貌爲鎮靜。再阻摩訶突圍之舉。直至水淺膠舟。東

手就縛所詔為長算遠略
安在雖憤懣而死豈足以
償其辜哉

路潛軍突圍。未足為恥。願公帥步卒乘馬輦徐行。摩訶
領鐵騎數千驅馳前後。必當使公安達京邑。明徹曰。此
良圖也。然吾為總督。必須身居其後。馬軍宜在前。不可
緩。摩訶因帥馬軍夜發。明徹決堰退軍。至清口水勢漸
微。舟礙車輪不得過。王軌引兵蹙之。衆潰。明徹被執。將
士輜重皆沒于周。獨蕭摩訶與將軍任忠字奉誠。汝陰人。周羅
喉字公布。尋陽人。全軍得還。陳主聞明徹被執。即日召蔡景歷。以為諮議參軍。明徹憂憤而死。

三月。周主初服常冠。

其制以皂紗全幅。向後襖髮。仍裁為四腳。

夏五月。周主邕伐突厥。有疾而還。六月。太子贊立。是為宣帝。
以鄭譯為內史中大夫。

突厥寇掠幽州。周主帥諸軍伐之。以疾留雲陽宮。詔停
諸軍。驛召宇文孝伯執其手。以後事付之。令馳驛入京
鎮守。以備非常。六月朔。殂。諡武皇帝。廟號高祖。葬孝陵。太子卽位。卽
逞奢欲。曾無戚容。捫其杖痕。大罵曰。死晚矣。閱視宮人。逼而幸之。超拜鄭譯爲
內史中大夫。委以朝政。不踰月而葬。詔議卽吉。樂運以
爲葬期旣促。事訖卽除。太爲汲汲。不從。

周主贊殺其叔父齊王憲。

周主以齊王憲屬尊望重。忌之。謂宇文孝伯曰。公能爲
朕圖齊王。當以其官相授。孝伯叩頭曰。先帝遺詔。不許
濫誅骨肉。齊王陛下叔父。功高德茂。社稷重臣。陛下若
無故害之。臣又順旨曲從。則臣爲不忠之臣。陛下爲不

孝之子矣。周主不憚。由是誅之。乃與于智諱之鄭譯等

謀。密使智告憲有異謀。遣孝伯召憲入殿。伏壯士執之。

憲自辯理。周主使智證之。憲目光如炬。與智相質。既而

歎曰。死生有命。寧復圖存。但老母在堂。恐留茲恨耳。因

擲笏于地。遂縊之。周主召憲僚屬。使證成憲罪。參軍李

綱。字文紀。勃海蓆人。自縊之。哭拜而去。李

閏月。周立后楊氏。

秋七月。周以后父楊堅爲上柱國大司馬。

初。周內史王軌嘗言于高祖曰。太子非社稷主。普六茹

堅。堅父忠。賜姓普六茹氏。貌有反相。高祖不悅曰。必天命有在。將

若之何。堅聞之懼。深自晦匿。齊王憲亦言。堅相貌非常。恐非人下。請早除之。高祖

以問來和。和素附堅。對曰。隨公正是守節人耳。來和字孔順。長安人。至是堅以后父故有是命。

九月。陳主及其羣臣盟。

陳主立方明壇于婁湖。以始興王叔陵

字子嵩。陳主第二子。

為王

官伯。盟百官。自幸婁湖誓衆。分遣大使。頒下四方。以相

警戒。

已陳太建十一年。周春正月。周作刑經聖制。

周主初立。以高祖刑書要制為太重。除之。又數行赦宥。

由是民輕犯法。既而又自以奢淫多過失。惡人規諫。欲

為威虐。懾服羣下。乃更為刑經聖制。用法益深。大醮于

正武殿。告天而行之。密命左右伺察羣臣。小有過失。輒

以君盟臣。表周弊政。陳宜國方強盛。無端而盟。及羣臣豈逆見叔陵狡險。他日將為不軌。欲以此替消其逆謀乎。顧不能敦誠防閑。復與以主盟之任。後此藥刀抽柄。亦必非重書階之願也。

行誅譴。又居喪纔踰年。卽恣聲樂。魚龍百戲。常陳殿前。日夜不休。多聚美女。增置位號。遊宴沉湎。旬日不出。于是樂運輿櫬詣朝堂。陳周主八失。其一。事多獨斷。不參儀同以上女。不許輒嫁。其三。一入後宮。數日不出。所須聞奏。多附宦者。其四。寬刑未幾。更嚴前制。其五。高祖斲雕爲樸。今乃遽窮奢麗。其六。徭賦下民。以奉俳優角抵。其七。上書字誤。卽治其罪。阻獻書之路。其八。元象垂誠。不能修布德政。若不革茲。周主大怒。將殺之。朝臣恐懼。入事。臣見周廟不血食矣。周主大怒。將殺之。朝臣恐懼。莫有救者。內史中大夫元巖。字君山。洛陽人。歎曰。臧洪同死。人猶願之。况比干乎。若樂運不免。吾將與之同斃。乃詣閣。請見曰。樂運不顧其死。欲以求名。陛下不如勞而遣之。以廣聖度。周主感悟。明日召運謂曰。朕思卿所奏。實爲忠臣。賜御食而罷之。

二月。周主殺其徐州總管王軌。及宮正宇文孝伯。

周主之在東宮也。高祖慮不堪承嗣。御之甚嚴。王軌因言曰。太子仁孝無聞。恐不了陛下家事。後又因內宴。拊

高祖鬚曰。可愛好老公。但恨後嗣弱耳。及周主嗣位。鄭

譯等用事。

軌聞之。自知及禍。謂所親曰。吾昔在先朝。實申社稷至計。今日之事。斷可知矣。此州控帶

淮南。隣接疆寇。欲為身計。易如反掌。但忠義不可虧。正可于此待死。冀千載後。知吾心耳。周主從容

問譯曰。我脚杖痕。誰所為也。對曰。事由烏丸軌。軌之先。為元魏

護烏丸校尉。故稱烏丸土氏。

宇文孝伯。

謂吐谷渾之役。事具前。

因言捋鬚事。周

主遣使殺軌。

元嚴不肯署詔。御正中大夫。顏之儀切諫。不聽。嚴進繼之。脫巾頓額。三拜三進。周主

曰。汝欲黨軌邪。嚴曰。臣非黨軌。正恐濫誅。失天下之望。周主怒。使閹豎搏其面。軌遂死。嚴亦廢于家。顏之儀

字子升。見遠之孫。

他日。周主託以齊王憲事。讓孝伯曰。公知齊

人君代天理民。未有不敬天而克享夫位者。宇文贊乃以天元自稱。妄比上帝。狂悖褻慢。能不于天怒以速殞滅耶。尹起華謂其瘖不能言。為天何言哉。之報則失之謬矣。

王謀反。何以不言。對曰。臣知齊王忠于社稷。為羣小所譖。言必不用。所以不言。且先帝付囑微臣。唯命輔導。陛下。今諫而不從。實負顧託。以此為罪。是所甘心。周主大慙。俛首不語。命將出。賜死于家。

周主贊傳位于太子闡。自稱天元皇帝。

天元傳位。驕侈彌甚。

所居稱天臺。自比上帝。冕服車旗。皆倍常制。以樽彝珪瓚飲食。羣臣

朝者。致齋三日。清身一日。不令人有

天高上大之稱。官名犯者。皆改之。游戲不節。晨出夜

還。公卿以下。常被楚撻。

每捶人皆以百二十為度。謂之天杖。其後又加至二百四十。

后妃嬪御。亦多杖背。于是內外恐怖。人不自安。周主闡仍居東宮。號正陽宮。

冬。十月。周主贊復佛道像。

天元與二像並坐大陳雜戲令士民縱觀

又集百官宮人外命婦大

列妓樂作乞寒胡戲乞寒亦曰潑寒西域之樂

十二月周取陳江北地

周行軍元帥韋孝寬侵陳克壽陽及廣陵遂取陳江北

地南北竟晉三州及盱眙山陽陽平馬頭秦歷陽沛北譙南梁等九郡民並自拔還江南周又取譙北徐州

自是江北之地盡沒于周

平晉郡故城在今鳳陽府靈璧縣馬頭宋郡故城在今

鳳陽府懷遠縣沛梁南沛郡故城在今泗州天長縣北

譙東魏郡今滁州全椒縣是南梁梁郡故城在今鳳陽

府壽州譙州東魏置治渦陽今

庚陳太建十二年春三月周主贇立五后

先是周天元立妃朱氏

吳人闡之母

為天元帝后已又改為

天皇后立妃元氏為天右皇后陳氏為天左皇后與天

元皇太后楊氏凡四后至是將立五后以問小宗伯辛

彥之。狄道人對曰皇后與天子敵體不宜有五博士何爰

字棲鳳曰帝譽四妃虞舜二妃先代之數何常之有天

元大悅免彥之官以陳氏為天中太皇后居遲妃為天

左太皇后

造帳五使五后各居其一又以五格載婦人自帥左右步從

夏五月周主贊劼楊堅自為大丞相假黃鉞居東宮

周天元昏暴滋甚楊后父隨公堅位望隆重天元忌之

嘗因忿謂后曰必滅爾家因召堅欲殺之而不果鄭譯

與堅少同學奇堅相表

堅龍顏額上有五柱入項目光外射有文在手曰王傾心

相結及是天元不豫小御正劉昉

博陵望都人

素以狡詔得

幸與御正中大夫顏之儀並見親信天元召入卧內欲

獨以假事而瘖不能言。昉見周主闡幼冲。以堅后父有

重名。遂與譯及御飾大夫

後周置。掌御飾。柳裘。字茂和。世隆之曾孫。內史

大夫韋譽

京兆人。

御正下士皇甫績

字功明。安定朝那人。謀引堅輔

政。

堅不敢當。昉曰。公若為。速為之。不為。昉自為也。

堅乃稱受詔。居中侍疾。天元

遂殂。秘不發喪。昉譯矯詔。以堅總知中外兵馬事。之儀

不從。昉等逼之。儀遂署之。儀厲聲曰。主上升遐。嗣子幼

冲。阿衡之任。宜在宗英。趙王

名招。字豆盧。太祖子。

合膺重寄。公

等奈何欲以神器假人。之儀有死而已。不能誣罔先帝。

昉等乃代署而行之。諸衛既又救。並受堅節度。堅就之

儀。索符璽。之儀正色曰。此天子之令。自有主者。宰相何

故索之。堅大怒。將殺之。以其人望。出為西疆

後周郡。治合川。故城。

在今西寧郡守。于是乃發喪。上宣帝諡。周主入居天臺。

府礪伯縣。尊楊后為皇太后。朱后為帝太后。陳元尉遲三后並為尼。以楊堅為假黃鉞左大丞。

相百官總已以聽。時眾情未壹。堅引司武上士盧賁。字

微。辯。置左右。潛令部伍仗衛。至東宮門者拒不納。賁叱

之。堅乃得入。賁遂典丞相府宿衛。以鄭譯為長史。劉昉

為司馬。李德林為府屬。內史下大夫高頴。字昭元。勃明。

敏有器局。習兵事。多計畧。堅引為司錄。時漢王贊。字乾

祖。居禁中。劉昉飾美妓送贊。說之歸第。曰。待事寧後入

為天子。此萬全計也。贊年少庸下。從之。堅革宣帝苛酷

刪畧舊律。作刑書要制。奏而行之。躬履節儉。中外悅之。

堅夜召太史中大夫庾季才。問曰。天時人事何如。季才

周相州總管蜀公尉遲迥舉兵相州討楊堅。堅遣韋孝寬將兵擊之。

堅以迥位望素重，必不附已，召之會葬，而以韋孝寬爲相州總管。迥知堅將不利于周室，謀舉兵討之。集文武士民，令之曰：「楊堅藉后父之勢，挾幼主以作威福，不臣之跡，暴于行路，吾與國舅甥，任兼將相，今欲糾合義勇，匡國庇民，何如？」衆咸從命。迥乃自稱大總管，奉趙王招少子以號令。

天元時，趙王威就國，及堅秉政，恐諸王在外生變，因徵入朝。

堅以鄭公

韋孝寬爲行軍元帥以討迥。

迥移書于其弟子青州總管勤，勤表送其書，尋復從

迥。于是迥及勤所統諸州皆從之。衆數十萬。迥遣使招并州刺史李穆。穆子士榮以穆所居天下精兵處，陰勸穆從迥。穆深拒之。堅使穆子渾往布腹心。穆使渾奉尉遲子寧曰：「順執威柄以尉安天下，又以十三銀金帶遺

堅十三鑲金帶者。天子之服也。堅大悅。穆兄子崇爲懷州刺史。初欲應迴。後知穆附堅。慨然太息曰。闔家富貴數十人。值國有難。竟不能扶傾繼絕。復何面目處天地間乎。不得已。亦附于堅。尉斗。卽尉斗也。李渾。字金才。

少子李崇字

永隆賢之子

周楊堅自加都督中外諸軍事。

周楊堅殺趙王招。越王盛。

字立久。突高祖子。

先是周畢王賢。

字元陽。世宗子。

謀殺堅。事泄。堅殺賢及其三子。

至是趙王招邀堅過其第。引入寢室。伏壯士于室後。堅

左右皆不得從。唯腹心元胄。

魏濮陽王順之孫。

坐戶側。酒酣招

以佩刀刺瓜。連啗堅。欲因而刺之。胄進曰。相府有事。不

可久留。招叱之使却。胄瞋目憤氣。扣刀入衛。扶堅趨去。

招將追之。胄以身蔽戶。招不得出。堅乃誣招與越王盛

謀反。皆殺之。及其諸子。賞賜元冑。不可勝計。周室諸王。數欲伺隙。

殺堅。堅都督李圓。通常保護之。由是得免。已而堅又殺

陳王純。純及代王達。滕王道。李圓通。京兆涇陽人。陳王

純。字堙。智突。代王達。字度斤。突。

滕王道。字爾固。突。俱太祖子。

秋八月。梁遣使如周。

梁使中書舍人柳莊。字思敬。解人。奉書入周。丞相堅執莊手。

曰。孤昔從役江陵。深蒙梁主殊眷。今猥蒙顧託。當相與

共保歲寒耳。時周郎州總管王謙。亦起兵于蜀。梁諸臣俱勸梁

主與尉遲迴連謀。以為進可以盡節。周氏退可以席卷

山南。梁主疑未決。會莊至。具道堅語。且曰。尉遲迴昏耄

已甚。消難王謙。常人之下者。非有匡合之才。終當覆滅

隨公。必段周府。莫若保境息民。以觀其變。梁主然之。已

而消難以眾奔陳。王謙為梁睿所敗。被殺。高阿那肱為

謙將。睿并斬之。鄖州。本西魏安州。後周更名。今湖北

德安府是。山南。漢沔之地。在終南太華之南。故曰

山南。謙。字救萬。雄之下。梁睿字恃德。德之子。

周尉遲迴兵敗自殺

先是周韋孝寬引軍壁于武陟

隋縣今屬河南懷慶府

與尉遲迴

隔沁水

出山西沁州沁源縣羊頭山流至武陟縣入于河

相持不進孝寬長史

李詢

字孝詢崇之兄

密啓丞相堅云總管梁士彥等並受迴金

堅憂之與李德林謀欲遣腹心一人往監諸軍使觀情

偽劉昉鄭譯皆辭堅不悅司錄高潁請行堅大喜卽遣

之及是潁至軍爲橋于沁水迴子魏安公惇軍沁東布

陳二十餘里麾兵少却欲待孝寬軍半度擊之孝寬因

其却鳴鼓齊進軍旣度潁命焚橋以絕士卒反顧心惇

兵大敗孝寬乘勝進追至鄴

迴卒十三萬陳于城南迴弟勤帥衆五萬自青州赴

迴以三千騎先至

迴素習軍旅老猶被甲臨陳其麾下皆關中

人爲之力戰。孝寬等軍不利而却。鄴中士民觀戰者數

萬人。宇文忻

字仲樂。貴之子。

曰。事急矣。吾當以詭道破之。乃先

射觀者。觀者皆走。轉相騰藉。聲如雷霆。忻乃傳呼曰。賊

敗矣。衆復振。因其擾而乘之。迴軍大敗。走保鄴城。孝寬

縱兵圍之。迴擲弓于地。罵堅極口而自殺。迴起兵六十

八日而敗。孝寬分兵悉平關東。

勤走青州。追獲之。堅以其初有誠款。特不之罪。

冬十月甲寅日食。

後周書北史。俱不書朔晦。

十二月周楊堅自爲相國進爵隨王加九錫。

辛陳太建十三年

周大象三年二月以後隋高祖

丑文帝楊堅開皇元年。是歲周亡隋代。凡三國。

春二月。

周楊堅稱皇帝。

是爲隋文帝。本襲封隨公。故國號曰隨。以周齊不遑寧處。乃去文作隋。以文訓走故

也。

本作走。音綽。

庾季才勸隋王以今月甲子應天受命。李穆、盧賁亦勸之。于是周主遜居別宮。隋王即皇帝位。後周自愍帝至靜帝亡。凡五主。

合二十五年。時周境內有州二百一十一。郡五百八。隋皆有

之。初。隋主與周載下大夫榮建緒有舊。將受禪。建緒出為息州刺史。隋主謂曰。且躊躇。當共取富貴。建緒正

色曰。明公此旨。非僕所聞。及即位來朝。隋主謂曰。卿亦悔不。對曰。臣位非徐廣。情類楊彪。隋主曰。朕雖不曉書

語。亦知卿此言不遜。竇毅之女。聞隋受禪。自投堂下。撫膺太息曰。恨我不為男子。救舅氏之患。毅及襄陽公主

掩其口曰。汝勿妄言。滅吾族。由是奇之。及長。以適唐公李淵。載下大夫。胡三省注。載下逸師字。後周置載師

屬地官。有中大夫。下大夫。息州。後周改魏東豫州。置今光州。息縣是。榮氏。出周榮公。後建緒北平無終人。李淵

駟之子。即唐高祖。

隋改官名。

崔仲方。字不齊。博陵安平人。勸隋主除周六官。依漢魏之舊。于是

置三師。

太師太傅太保。

三公。

太尉司徒司空。

及尙書。

設令左右僕射。無所不統。

門下。

置納言給事等官。

內史。

置監令等。

秘書。

領著作。

內侍。

皆宦官。

五省。

御史。

主彈劾。

都水。

主作造。

二臺。太常等十一寺。

太常光祿衛尉宗正太僕大理鴻臚司農。

太府國子。

將作。

左右衛等十二府。

皆軍府。

以分司統職。又置上柱

國至都督十一等勲官。

柱國大將軍開府儀同三司皆

三等。以酬勤勞。特進至朝散大夫。

特進左右光祿金紫銀青光祿及朝議朝散大

夫。七等散官。以加文武之有德聲者。改侍中爲納言。

改度支尙書爲民部。都官尙書爲刑部。命左僕射爲吏

及都水臺。

隋修廟社。

尊考爲武元皇帝。廟號太祖。妣呂氏爲元明皇后。社稷

既知預政之漸不可開則
所為方輦而進及使宦官
伺政獨非此雞之晨乎至
於聽納讒言廢勇立廣獨
孤又安得辭其過耶

並列于含光門內之右

隋立后獨孤氏

后家世貴盛而能謙恭雅好讀書言事多與隋主意合

甚寵憚之宮中稱為二聖隋主每臨朝后輒與焉而進至閣乃止使宦官伺隋主

政有所失隨事匡諫退朝同反燕寢有司奏稱問禮百
官之妻命于皇后請依古制后曰婦人預政或從此為
漸不可開其源也都督崔長仁后之外兄弟也犯公
當斬隋主以后故欲免之后曰國家之事焉可顧私長
仁竟坐死隋主亦懲周氏之失不以權
任假借外戚后兄弟不過將軍刺史

隋立世子勇字現地伐為太子諸子皆為王

廣一名英第二子即煬帝為晉王俊字阿祇第三子為秦王秀第四子為越

王諒字德章第五子為漢王

隋廢周主闡為介公改封周太后楊氏為樂平公主

初。劉。鄭。矯。詔。以。隋。主。輔。政。楊。后。雖。不。預。謀。然。以。嗣。主。幼。冲。恐。權。在。他。族。聞。之。甚。喜。後。知。其。父。有。異。圖。意。頗。不。平。形。于。言。色。及。禪。位。愈。憤。惋。隋。主。愧。之。改。封。樂。平。公。主。欲。奪。其。志。公。主。誓。不。許。乃。止。

隋主盡滅宇文氏之族。

虞慶則

京兆櫟陽人。

勸隋主盡滅宇文氏。高頴。楊惠。

隋主族子。後更

名雄。亦依違從之。李德林固爭。以爲不可。隋主作色曰。君

書生。不足與議。此於是周太祖以下子孫皆死。而德林

品位遂不進。

隋徵蘇威

字無畏。綽之子。

爲太子少保。

威少有令名。周宇文護彊以女妻之。威見護專權。恐禍

讀孝經一卷足以立身治國威言是矣然威父即仕周威乃辭周拜而致身於篡周之隋室移孝作忠之義安在隋文比之商山四皓此特用以自文而已

及已屏居山寺以諷讀爲娛。周高祖聞其賢除車騎大將軍辭疾不拜。隋主爲丞相高頴薦之。隋主召見與語大悅。居月餘聞將受禪遁歸田里。頴請追之。隋主曰。此不欲預吾事耳。置之。及受禪徵拜太子少保。追封綽爲邳公。以威襲爵。尋兼納言度支尚書。初蘇綽在西魏以法頗重。旣而歎曰。今所爲者正如張弓。非平世法也。後之君子誰能弛之。威聞其言。每以爲已任。至是奏減賦役。務從輕簡。隋主從之。威嘗言于隋主曰。臣先人每戒臣云。唯讀孝經一卷足以立身治國。何用多爲。隋主深然之。

夏四月。隋放散樂。禁雜戲。

五月。隋主堅弑介公闡。

諡曰周靜帝。

秋九月。隋鑄五銖錢。

初周齊所鑄錢凡四等

齊天保初。改置常平五銖。重如其文。後周保定初。更鑄布泉之

錢。以一當五。建德中。更置五行大布錢。以一當十。大象初。又鑄永通萬國錢。以一當千。及民間私

錢名品甚衆

鄴中有赤熟青熟細眉赤生之異。河南有青薄鉛錫之別。梁益雜用古錢。河西諸郡

或用西域金銀之錢。輕重不等。隋主患之。更鑄五銖錢。背面肉好。

皆有周郭。每一千。重四觔二兩。悉禁古錢及私錢。不如

樣者。沒官銷毀。自是錢幣始一。民間便之。

隋上柱國鄭譯有罪。除名。

譯以上柱國歸第。

先是。譯辭監軍。隋主漸疎之。敕屬不得白事于譯。譯懼。遂求職。自

以被疎。陰呼道士醮章祈福。婢告以爲巫蠱。又與母

別居。爲憲司所劾。除名。

隋主下詔曰。譯若留之于世。在人爲不道之臣。戮之于朝。入地

爲不孝之鬼。宜賜以孝經。令其熟讀。仍遣與母同居。

譯與劉昉贊成。隋禪未幾。謹斥誅夷。曾不旋踵。留世爲不道之臣。戮朝爲不孝之鬼。二語尤足令衛國奸諛寒心破膽。

冬十月。隋初行新律。

初。周法比于齊律。煩而不要。隋主命高頴鄭譯及楊素

裴政字德表等。更加修定。政練習典故。達于從政。乃采

魏晉舊律。下至齊梁沿革重輕。取其折衷。去梟轆鞭法。

非謀叛無族罪。始制死刑二。絞。斬。流刑三。自二千里至三千里。徒

刑五。自一年至三年。杖刑五。自六十至一百。笞刑五。自十至五十。又制議羣臣

議。請于上。減罪有可原。贖以銅。官當罰官品以當其罪。以之科。以

優士大夫。除詆囚酷法。考掠不得過二百。柳民有枉屈。

縣不為理者。聽以次經郡州省。若仍不為理。聽詣闕伸

訴。自是法制遂定。後隋主覽刑部奏獄數猶至萬。以律

簡要。疎而不失。仍置律博士弟子員。牛弘更定之。刑網

隋以梁彥光

字修芝安定烏氏人

為相州刺史

房恭懿

字慎言洛陽人為海

州

東魏置今隸江南

刺史

初彥光為岐州

魏置今陝西鳳翔府是

刺史岐俗質厚彥光以靜

鎮之奏課連為天下最隋主下詔褒美賜粟帛徙相州

刺史

鄴自齊亡衣冠士人多遷入關唯工商樂戶移實州郭風俗險諛好興謠訟彥光居部如岐州法因

目彥光為著帽餽隋主聞之免彥光官彥光請復為之發摘姦伏有若神明豪猾潛竄闔境大治于是招致名

儒每鄉立學親臨策試褒勤黜怠風化大變無復訟者著帽餽餽軟而甘言其柔善也新豐令房

恭懿政為三輔之最每朝謁隋主呼至榻前訪以治民

之術謂諸州朝集使曰房恭懿志存體國愛養我民卿

等宜師之因擢為海州刺史由是吏多稱職百姓富庶

十二月突厥佗鉢可汗死分立四可汗

佗鉢可汗病且卒。謂其子菴邏曰：「吾兄不立其子，委位

于我，我死，汝當避大邏便。」

木村之子。

及卒，國人以大邏便母

賤，菴邏實貴，竟立為嗣。大邏便心不服，菴邏每遣人置

辱之。菴邏不能制，因以國讓攝圖。

逸可汗之子。

國人共迎立

之，號沙鉢畧可汗，居都斤山。

在漠北。

菴邏降居獨洛水，

亦在

北。稱第二可汗。沙鉢畧以大邏便為阿波可汗，還領所

部。又沙鉢畧從父玷厥居西面，號達頭可汗。諸可汗各

統部衆，分居四面。沙鉢畧勇而得衆，北方皆畏附之。

先是

周與突厥和親，以趙王招女為千金公主，妻之。及隋主

立，公主傷其宗祀覆沒，日夜請為周復讐。沙鉢畧謂其

臣曰：「我，周之親也。今隋公自立而不能制，復何面目見

可賀敦乎？」乃與高寶寧合兵伐隋。隋主峻長城，命虞慶

則鎮并州，屯

兵以備之。

壬辰陳太建十四年。春正月。陳主顓頊始興王叔陵作亂。伏

誅太子叔寶立。

是為後主。

叔陵性苛刻狡險。為揚州刺史。與新安王伯固。

字牢之。世祖第

五子。密圖不軌。陳主不豫。太子與叔陵及長沙王叔堅。

字

成。陳主第四子。並入侍疾。陳主殂。太子哀哭俯伏。叔陵抽剉藥

刀斫之。中項。悶絕于地。柳后來救。又斫之。叔堅手搯叔

陵奪其刀。叔陵走出雲龍門。馳車還東府。召左右斷青

溪道。赦東城囚以充戰士。散金帛賞賜。又召諸王將帥。

莫有至者。唯伯固單馬赴之。叔堅白柳后。以太子命召

右衛將軍蕭摩訶。入見受敕。帥馬步數百趣東府。屯城

西門。叔陵惶恐。自知不濟。欲奔隋。臺軍邀斬之。伯固亦

為亂兵所殺太子卽位

說陳主曰孝宣皇帝廟號高宗非顯寧陵

隋以晉王廣為河北行臺尚書令蜀王秀

先封越以爲益州總管因徙封

為西南行臺尚書令秦王俊為河南行臺尚書令

隋主懲周氏孤弱而亡故使三子分治方面盛選僚佐

以王韶

字子相太原晉陽人

李雄

字毗盧趙郡高邑人

李徹

字廣達朔方最綠人

總晉

王府軍事元巖為益州長史韶雄嚴俱有骨鯁名徹前

朝舊將故用之

雄家世以學業自通雄獨習騎射其兄

能成其功業者鮮矣

雖不敏頗觀前志但不守章句耳至是隋主謂雄曰吾兒更事未多卿才兼文武吾無

北顧之憂矣

陳遣使請和于隋

先是隋僕射高潁督諸軍侵陳及是陳高宗殂嗣主新

立遣使請和于隋高潁奏禮不伐喪隋乃詔潁班師

夏六月隋作新都于龍首山

注見前

隋主嫌長安城制度狹小蘇威因勸遷都隋主夜與威及高潁共議明日庾季才奏曰臣仰觀元象俯察圖記必有遷都之事且漢營此城將八百歲水皆鹹鹵不甚宜人願陛下協天人心為遷徙之計隋主愕然謂潁威曰是何神也乃詔潁等創新都于龍首山

癸陳後主叔寶至德卯元年隋開皇三年春二月己巳朔日食

陳以毛喜為永嘉內史

陳主之卽位也病創不能視事

政皆決于長沙王叔堅

已而創愈

置酒自慶引江總以下展樂賦詩既醉而命毛喜

召與言事

也時山陵初畢喜見之不懌欲諫則陳主已醉乃升階陽爲心疾仆于階下移出省中陳主醒謂江總曰喜實無疾但欲非我所爲耳欲殺之不果以爲永嘉內史

三月隋遷于新都

隋新都成命曰大興城徙都之

今西安府隋大興城也唐曰京城唐書地理志

京城前直子午谷後枕龍首山左臨灞岸右抵澧水

隋減調役弛酒鹽禁

初令民二十一成丁減役者歲爲二十日調絹爲二丈

周末榷酒坊鹽池鹽井至是皆罷之

隋詔求遺書

秘書監牛弘上表曰典籍屢經喪亂卒多散逸周氏聚

李陵名將也張空拳以應敵向且成擒乃謂轉戰三晝夜士卒徒搏以當四十萬控弦之衆手皆骨見而尙能殺賊逐虜實理之所必無此蓋長孺掩敗飾功妄言之而輕信之作史者遂據爲奇談耳觀於李充突厥沮於驃勝云云其矛盾可立辯

書僅盈萬卷。平齊所得。裁益五千。興集之期。屬膺聖世。爲國之本。莫此爲先。隋主從之。詔獻書一卷。資縑一匹。

夏四月。隋遣元帥衛王爽

字師仁。隋主之弟。

伐突厥。大破之。

突厥數爲隋寇。

先是高寶寧引突厥寇隋平州。

突厥悉發控弦之士四十萬入長城。尋入蘭州。

隋行軍總管達奚長孺與之遇。且戰且行。轉鬪三晝夜。凡十四戰。五兵咸盡。士卒以拳毆之。手皆骨見。殺傷萬計。虜乃解去。已而突厥又寇武威。等七郡。達奚長孺字富仁。代人。至是。隋主下詔曰。往

者周齊抗衡。俱通突厥。以虜輕重。爲國安危。朕以爲厚歛兆庶。多惠豺狼。未嘗感恩。資而爲賊。節之以禮。不爲虛費。省徭薄賦。國用有餘。因入賊之物。加賜將士。息道路之民。務爲耕織。清邊制勝。成策在心。諸將今行。義兼含育。有降者納。有違者死。于是命衛王爽等爲行軍元

帥分八道出塞擊之。爽督總管李充。

龍西成紀人。唐書宰相世系表作充。

節等出朔州道與沙鉢略可汗遇于白道。

胡三省注。朔州長城北有。

白道。

充言于爽曰。突厥狙于驟勝。必輕我而無備。以精

兵襲之。可破也。諸將多以為疑。唯長史李徹贊成之。遂

與充帥精騎五千掩擊突厥。大破之。沙鉢略棄所服金

甲而遁。其軍無食。粉骨為糧。加以疾疫。死者甚眾。幽州

總管陰壽。

字羅雲。武威人。

出盧龍塞。

注見前。

擊高寶寧。突厥不能

救。寶寧為其下所殺。和龍悉平。

秋八月丁卯朔日食。

冬十一月。隋罷郡為州。

兵部尚書楊尙希。

華陰人。

曰。今或地無百里而數縣並置。

或戶不滿千。而二郡分領僚吏。既衆。資費日繁。民少官多。十羊九牧。宜存要去閑。併小爲大。國家則不虧粟帛。選舉則易得賢良。蘇威亦以爲請。隋主從之。罷郡爲州。隋沿河置倉運粟。以給長安。

隋主以長安倉廩尙虛。詔西自蒲陝。

蒲州。注見前。陝州。後周置。今隸河南。

東至衛汴。

衛州。後周置。今衛輝府是。汴州。後周改齊梁州置。今開封府是。

水次十三州。

募丁運米。又于衛州置黎陽倉。陝州置常平倉。華州。

西魏

置。今屬同州府。

置廣通倉。轉相灌輸。漕關東及汾晉之粟。以給

長安。

隋杞州。

隋置尋廢。今開封府杞縣是。

刺史和干子免。

時刺史多任武將。類不稱職。治書侍御史柳彧。

字幼文。仲禮之。

人主一日二日萬幾政要
所關安問巨細惟不急之
務職有司存耳倘高詒垂
拱之名而陰啓廢弛之漸
國政將矣賴焉柳或之言
所謂知其一不知其二者

子。上表曰。昔漢光武與二十八將披荆棘而定天下。及
功成之後。無所任職。伏見詔書。以和千子爲杞州刺史。
千子前任趙州。百姓歌之曰。老禾不早殺。餘種穢良田。
千子弓馬武用。是其所長。治民涖衆。非其所解。若令刺
舉所損殊大。隋主善之。千子竟免。或見隋主勤于聽受。百僚奏請。多有煩碎。
上疏諫曰。自古聖帝。莫過唐虞。然皆勞于求賢。逸于任
使。陛下留心治道。無憚疲勞。乃至營造細小之事。出給
輕微之物。一日之內。酬答百司。日昨忘食。夜分未寢。動
以文簿。憂勞聖躬。願察臣言。少減煩務。唯經國大事。非
臣下所能裁斷者。奏請詳決。自餘細務。責
成所司。隋主嘉之。曰。柳或直士。國之寶也。
甲陳至德二年。春正月。甲子朔。日食。
辰隋開皇四年。

隋頌甲子元歷。

前華州刺史張賓儀同三司劉暉所造。詔頒行之。

二月突厥達頭可汗請降于隋。

初周遣長孫晟

字季晟覽從子

送千金公主于突厥突厥留之。

竟歲晟因悉知其山川形勢部衆彊弱及還上書隋主。

請密運籌策以離諸部。

晟以爲玷厥之于攝圖兵彊而位下外名相屬內隙已彰攝圖

之弟處羅侯姦多勢弱曲取衆心阿波首鼠介在其間唯彊是與未有定心今宜遠交而近攻離彊而合弱通

使玷厥說合阿波又引處羅遣連奚霫俾攝圖首尾猜嫌腹心離阻因而乘釁討之可一舉而空其國矣玷

厥卽達頭攝圖卽沙鉢略處羅侯號突利設隋主省書奚卽庫莫奚東胡別種霫先立反奚之別種

大悅皆納用焉。

遣太僕元暉詣達頭賜以狼頭纛達頭使至引居沙鉢略使上又使晟齎幣賜

奚霫契丹至處羅侯所誘之內附元暉字叔平洛陽人契丹注見前

由是諸部果相猜

貳晟復縱行反間達頭阿波與沙鉢略遂連兵不已。

阿波

與涼州總管竇榮定相拒屢敗晟時爲偏將遣使謂曰攝圖阿波兵勢不敵今攝圖日賤而阿波不利攝圖行

滅北牙矣。何不與隋連和。依附天子。達結達頭。相合為疆。此萬全計也。阿波然之。遣使隨晟入朝。沙鉢略聞之。遂襲破北牙。阿波還無所歸。西奔達頭。達頭大怒。遣阿波帥兵而東。與沙鉢略相攻。屢破之。復得故地。兵勢日彊。沙鉢略部衆多叛歸之。竇榮定熾從子。至是達頭請降于隋。

夏六月。隋作廣通渠。

隋漢漕渠故道。隋復開之。今堙。

隋主以渭水多沙。深淺不常。漕者苦之。詔宇文愷

字安樂。忻

弟。鑿渠引渭。自大興城東。至潼關三百餘里。名廣通渠。

漕運通利。關內賴之。

秋九月。隋詔公私文翰。並宜實錄。

隋主不喜辭華。故有是詔。

治書侍御史李諤上書曰。魏

江左齊梁其弊彌甚。競一韻之三祖。崇尚文詞。遂成風俗。讀不出月露之形。積案盈箱。唯是風雲之狀。世俗以之相高。朝廷以之擢士。故其文日繁。其政日亂。良由棄大聖之軌模。構無用以爲用也。今朝廷雖有是詔。而州縣

仍踵弊風躬仁孝之行者不加收齒。工輕薄之藝者舉送天朝。請加采察。送臺推劾。又言。士大夫矜伐干進。無復廉恥。乞明加罪黜。以懲風軌。詔以其奏頒示四方。李諤字士恢。趙郡人。魏三祖。謂曹魏太祖高祖烈祖。隋與突厥和親。

突厥沙鉢略可汗數為隋敗。乃請和親。千金公主自請

改姓楊氏。為隋主女。隋更封以為大義公主。沙鉢略遣使致書。自

稱從天生大突厥天下賢聖天子。沙鉢略可汗。隋主復書曰。大隋天子。貽書大突厥沙鉢略可汗。得書知大有善意。既為沙鉢略婦翁。今日視沙鉢略與兒。子不異。時遣大臣往彼省女。復省沙鉢略也。于是遣僕

射虞慶則往使。將軍長孫晟副之。沙鉢略陳兵坐見慶

則。稱疾不能起。長孫晟曰。突厥與隋俱大國天子。但可

汗是大隋女婿。奈何不敬婦翁。沙鉢略笑。乃起拜頓顙。

跪受璽書。以戴于首。既而大慙。與羣下聚哭。慶則要以

稱臣沙鉢略謂左右曰。何謂臣。左右曰。隋言臣猶此云。
奴耳。沙鉢略曰。得爲大隋天子奴。虞僕射之力也。贈馬
千匹以從妹妻之。

冬十一月隋遣使如陳。

隋主遣薛道衡

字元卿汾陰人聰之孫

等如陳戒之曰。當識朕意。

勿以言辭相折。

陳起臨春結綺望仙閣。

舊址在今江寧府故臺城中。

陳主起三閣。各高數十丈。連延數十間。皆以沉檀爲之。
金玉珠翠爲飾。珠簾寶帳。服玩瑰麗。近古未有。其下積
石爲山。引水爲池。雜植花卉。陳主自居臨春。張貴妃居
結綺。龔孔二貴嬪居望仙。複道往來。以宮人袁大捨等。

爲女學士。僕射江總雖爲宰輔，不親政務。日與都官尚

書孔範

字洪言，會稽山陰人。

等文士十餘人，侍宴後庭，謂之狎客。

使諸妃嬪及女學士與狎客共賦詩，采其尤艷麗者，被

以新聲。其曲有玉樹後庭花、臨春樂等。大畧皆美諸妃

嬪之容色。

君臣酣歌，自夕達旦，以此爲常。

張貴妃名麗華，本兵家女。

性敏慧，有神彩。善候人主顏色。陳主怠于政事，百司啓奏，並因宦者以進。陳主置妃膝上，共決之。由是宦官近習，內外連結。賣官鬻獄，貨賂公行。大臣有不從者，因而譖之。于是大臣皆從風諂附。孔範與孔貴嬪結爲兄妹。陳主惡聞過失，每有惡事，範必曲爲文飾，稱揚贊美。由是寵遇優渥。言聽計從。羣臣有諫者，輒以罪斥之。中書舍人施文慶嘗事陳主于東宮，大被親幸。薦所善沈客卿、陽惠朗、徐哲、暨慧景等，有吏能。陳主皆擢用之。督責苛碎，聚斂無厭。關市之稅，歲入數十倍。士民嗟怨。陳主大悅。孔範自謂文武才能，舉朝莫及。白陳主曰：「諸將起自行伍，匹夫敵耳。自是將帥微，有過失，卽奪其兵，分配文吏。由是文武解體，以至覆滅。」

社倉義倉在官有在官之弊在民有在民之弊然在官者法立而易行在民者地渙而難察司牧者誠奉行以實便在官不為胥吏侵漁在民不為鄉保耗蠹庶於民食有裨耳故曰有怡人無治決

乙陳至德三年春正月戊午朔日食
己隋開皇五年

隋頒五禮

禮部尚書牛弘所修也

夏五月隋初置義倉

工部

通鑑作度支。隋書食貨志作工部。考開皇元年已改度支為民部。通鑑疑有誤。今從隋志。

尚書

長孫平

字處均。儉之子。

奏令民間每秋家出粟麥一石以下貧

富為差。儲之當社。

百家為里。里有社。

委社司檢校。以備凶年。名

曰義倉。隋主從之。

梁主歸俎。太子琮

字溫立。文。

歸孝慈儉約。境內安之。

諡孝明皇帝。廟號世宗。

秋八月突厥沙鉢略可汗遣子入朝于隋。

突厥阿波可汗寢彊諸胡皆附號西突厥沙鉢略既與阿波有隙又爲達頭所困復畏契丹遣使告急于隋請將部落度漠南隋主命晉王廣以兵援之給以衣服賜之車服鼓吹沙鉢略因擊西突厥破之乃立約以磧爲界因上表曰天無二日土無二王大隋皇帝眞皇帝也豈敢阻兵恃險偷竊名號今屈膝稽顙求爲藩附遣其子庫合真入朝自是歲時貢獻不絕

陳主殺其中書通事舍人傅綽

字宜事北地靈州人

綽先事陳主于東宮負才使氣人多怨之及是施文慶

沈客卿共譖綽受高麗使金陳主收綽下獄綽于獄中

上書

界曰夫君人者恭事上帝子愛下民省嗜慾遠詔佞求明永衣口明忘食是以澤被區宇慶流子孫

陛下頃來。酒色過度。不虔郊廟。小人在側。臣豎弄權。惡忠直如仇讐。視生民如草芥。後宮曳綺繡。廐馬餘菽粟。百姓流離。僵屍蔽野。貨賄公行。帑藏損耗。神怒民怨。衆叛親離。臣恐東南王氣。自斯而盡矣。陳主每當郊祀。常稱疾不行。故書奏。陳主大怒。頃之意稍解。遣使謂曰。我

欲赦卿。卿能改過否。對曰。臣心如面。面可改。則心可改。

矣。陳主益怒。遂賜死。

吳興章華。好學能文。以無閥閱除大市令。鬱鬱不得志。上書極諫。畧

曰。陛下卽位。于今五年。溺于嬖寵。惑于酒色。祠七廟而不出。拜三妃而臨軒。老臣宿將。棄之草莽。詔佞讒邪。升之朝庭。今疆場日蹙。隋軍壓境。陛下如不改弦易轍。臣見麋鹿復遊於姑蘇矣。陳主大怒。斬之。章華字仲宗。

隋築長城

隋主發丁三萬于朔方靈武。

今寧夏府靈州。周置普樂郡。隋初廢。後復爲郡。日靈

武。築長城。東距河西至綏州。

西魏置。今陝西綏德州是。綿歷七百里。

明年又發丁十五萬于朔方以東緣邊築數十城以遏

胡寇。

丙陳至德四年。隋開皇六年。春正月。党項羌。西羌別種。其國在禹貢析午。梁後主瑒廣運元年。支之。請降于隋。

秋。閏八月。隋殺其上柱國梁士彥。字文忻。劉昉。

初。士彥討尉遲迥。破之。代爲相州刺史。忻與隋主少相厚。善用兵。有威名。隋主皆忌之。以譴去官。昉亦被疎遠。俱懷怨望。忻欲使士彥于蒲州起兵。已爲內應。士彥之甥裴通。預其謀而告之。隋主隱其事。以士彥爲晉州刺史。欲觀其意。士彥忻然。謂昉等曰。天也。隋主因其朝謁。執而詰之。遂皆伏誅。隋主素服臨射殿。命百官射三家資物以爲戒。

冬。十月。吐谷渾太子訶請降于隋。隋主弗納。

夸呂以梁大同六年始立
距陳隋丙午歲僅四十七
年安得有在位百年之事
總貴時吐谷渾與中國
言語不通且未有親履其
境者遂爾傳聞訛舛前史
載外域事大率類此

吐谷渾可汗夸呂在位百年相承歷百屢因喜怒廢殺太子後太
子懼謀執夸呂而降請兵于隋邊吏請以兵應之隋主
不許太子謀洩被殺復立其小子鬼王訶訶復懼誅謀
帥部降隋遣使請兵隋主曰渾賊風俗特異人倫父既
不慈子復不孝朕以德訓人何有成其惡逆乎乃謂使
者曰父有過失子當諫諍豈可潛謀非法受不孝之名
溥天之下皆朕臣妾各為善事即稱朕心鬼王既欲歸
朕朕惟教鬼王為臣子之法不可遠遣兵馬助為惡事
鬼王訶乃止

丁陳禎明元年隋開皇七年春二月隋開揚州山陽瀆即邗
溝注未是歲後梁亡凡二國見前

突厥沙鉢略可汗死。弟莫何可汗處羅侯立。

沙鉢略死。遺令立其弟葉護。

突厥官名。

處羅侯。處羅侯與沙

鉢略之子雍虞閭相讓者五六。遂立。是為莫何可汗。以

雍虞閭為葉護。莫何勇而有謀。以隋所賜旗鼓。西擊阿

波。阿波之眾以為隋兵助之。多望風降附。遂生擒阿波。

上書請其死生之命。隋主以問長孫晟。晟對曰。阿波之

惡。非負國家。因其困窮。取而為戮。恐非招遠之道。不如

兩存之。高頴亦言。宜存養以示寬大。隋主從之。

明年莫何死。兄

子頴伽施多耶都藍可汗立。

夏五月乙巳朔日食。

秋九月。隋滅梁。以其主蕭琮為昌公。

後梁自中宗營至琮。凡三主。合三十三

年。

隋徵梁主入朝。梁主發江陵。隋主遣武鄉公崔弘度字摩

訶衍博陵人。辯曾孫。將兵戍之。梁主叔父巖字義遠。中宗子。弟瓏字欽文。世宗子。

等恐弘度襲之。遣使請降于陳。九月。陳荊州刺史陳慧

紀字元方。高祖從孫。引兵至江陵。巖等驅文武男女一萬口奔

陳。隋主聞之。廢梁國。遣高頴安集遺民。拜梁主琮柱國。

賜爵莒公。

冬十一月。陳臨平湖注見前。開。

時江南妖異特衆。臨平湖草久塞。忽然自開。陳主惡之。

乃自賣于佛寺爲奴以厭之。初。陳高宗殂。隋主遣使赴弔。書稱姓名。頴首。陳主答。

之益驕。隋主不悅。已而問取陳之策于高頴。對曰。江北田收差晚。江南水田早熟。量彼收穫之際。徵徵士馬。聲

言掩襲。彼必屯兵守禦。廢其農時。彼既聚兵。我便解甲。再三如此。彼以爲常。後更集兵。彼必不信。猶豫之頃。我乃濟師。江南土薄。舍多茅竹。儲積皆非地窖。當密遣人。因風縱火。待彼修立。復更燒之。不出數年。才力俱盡矣。隋主用其策。陳人始困。及陳受蕭巖等降。隋主益忿。謂高穎曰。我爲民父母。豈可限一衣帶水。不拯之乎。命大。有戰船。人請密之。隋主曰。吾將顯行天誅。何密之。有。使投其梯于江。曰。若彼懼而能改。吾復何求。

戊陳禎明二年。春三月。隋下詔伐陳。

詔曰。陳叔寶據手掌之地。恣谿壑之慾。劫奪閭閻。驅迫內外。窮奢極侈。俾晝作夜。斬直言之客。滅無罪之家。欺天造惡。祭鬼求恩。君子潛逃。小人得志。天災地孽。物怪人妖。每關聽覽。有懷傷惻。可出師授律。應機誅殄。在斯一舉。永清炎越。又送璽書暴陳主二十惡。寫詔三十萬。紂漏諭江外。

冬十月。隋以晉王廣為淮南行省尚書令。行軍元帥。帥師伐陳。

隋置淮南行省于壽春。以晉王廣為尚書令。遂有事于

太廟。命廣及秦王俊。清河公楊素。皆為行軍元帥。廣出

六合。後周郡。隋改縣。今屬江寧府。俊出襄陽。素出永安。廬州總管韓

擒虎。字子通。東垣人。雄之子。出廬州。吳州總管賀若弼出廣陵。凡

總管九十兵。五十一萬八千。皆受晉王節度。旌旗舟楫

橫亘數千里。以高潁為元帥。長史王韶為司馬。軍事皆

取決焉。潁。問郎中薛道衡曰。江東可克乎。道衡曰。克之。郭璞言。江東分王三百年。復與中國合。今此數

將周。一也。主上恭儉勤勞。叔寶荒淫驕侈。二也。國之安危。在所守任。彼以江總為相。唯事詩酒。蕭摩訶任蠻奴。

為大將。皆一夫之用。三也。我有道而大。彼無德而小。量其甲士。不過十萬。西自巫峽。東至滄海。分之則勢懸而

力弱聚之則守此而失彼。秦王俊督諸軍屯漢口。爲上

四也。席卷之勢。事在不疑。陳以周羅喉督諸軍拒之。楊索引舟師下三峽。

軍至流頭灘。在今宜昌府東湖縣北。銜枚夜發。擊破陳將軍戚昕。

悉俘其衆。遂帥水軍東下。舟艫被江。旌甲曜日。陳之鎮

戍相繼以聞。施文慶沈客卿並抑而不言。陳江中無一

鬪船。上流兵皆阻楊素軍。不得至。護軍將軍樊毅言于

僕射袁憲。字德章。君正之子。曰。京口。采石。俱是要地。各須銳兵

五千。併出金翅。舟名。二百。緣江上下。以爲防備。憲及驃騎

將軍蕭摩訶皆以爲然。文慶客卿白陳主曰。此是常事。

邊城將帥足以當之。若出人船。必恐驚擾。及隋軍臨江。

間諜驟至。憲等奏請再三。文慶曰。元會將逼。南郊復邇。

今若出兵。事便廢闕。由是議久不決。陳主從容謂侍臣曰。王氣在此。齊兵三來。周師再來。無不摧敗。彼何爲者邪。孔範曰。長江天塹。限隔南北。今日虜軍。豈能飛渡邪。陳主以爲然。故不爲深備。奏伎縱酒。賦詩不輟。



